

太平御覽卷第九百七十一


果部八 上卷二

柿 上卷四 橙 上卷二

棓 上卷一 枇杷 上卷二

豆寇 上卷一 胡桃 上卷一

柿 上卷六



義熙起居注曰二年正月吳令顧修其上言西鄉有柿樹殊本合修依舊集賀詔停之

晉宮闕名曰徽章殿前柿一株

廣志曰柿有小者如杏

王逸荔枝賦曰宛中朱柿



潘岳閑居賦曰張公大谷之梨梁侯烏桿之柿

王廙洛都賦曰豹祠赤杏胡並丹柿其液滋脆不經牙齒

李尤七款曰鴻柿若瓜

劉義啓事記曰勅旨賜華林園柿出目神苑滋味殊絕

也

橙上字同

說文曰橙橘屬也

東觀漢記曰建武中南單于來朝賜御食及橙橘龍眼荔枝

枝

晉令曰諸官有秩者守護橙者置吏一人

淮南子曰夫橘樹之江北化為橙

風俗通曰橙皮可為醬醬菜

博物志曰成都廣都郫繁江原臨邛六縣生金橙似橘而

非若柚芬香香夏秋冬或華或實大如桃小者或如彈丸或

有年春夏秋冬華實竟歲

廣志曰有給客橙自夏至冬且花且實

風土記曰橙柚屬也而葉正圓

異苑曰南康歸美山石城內有橙就食其實任意取足持

歸家人啖輒病或鎮什失徑

庾仲初楊都賦曰菓則黃甘朱橙

胡道安甘賦曰襄陰大橙江陽巨橘

林檎上字五

廣志曰黑檣似赤柰柰亦名黑檣

劉禎京記曰園林多檣

述征記曰林檎果實可佳其楹勃實微大其狀醜其味香

朝開有之江淮南少

晉宮闕記曰華林園有林檎十二株楹勃六實

左思蜀都賦曰林檎枇杷橙柿棣棃

檣上同五

廣州記曰荔枝壹銅南珍之上菱蓮檣柿為其次

地理記曰梁侯園有烏檣八稜大如酒盞

荊州地志記曰宜都出大檣

范汪祠制曰孟冬祭用柿檣

青宮閣名曰華林園檣子二株

異苑曰傅亮末初中為護軍元珍住府西齋忽見北窓外

檣樹下物面廣三尺狀若方相又乃自滅

常耀靈陽武賦曰其檣檣柿榛栗木瓜

潘安仁閑居賦曰梁侯烏檣之柿

謝靈運山居賦曰檣柿被實於長浦

潘岳金谷詩曰前庭樹沙其後園植烏檣

魏武帝為兗州牧上書曰謹上檣棗二箱

枇杷上同四

范汪祠制曰孟夏祭用枇杷

唐書曰建中元年詔山南之枇杷江南之甘橘藉歲為次
第貢者取一次以供廟饗餘皆罷

晉宮閣名曰華林園枇杷四株

風土記曰枇杷葉似栗子似杏小而叢生四月熟

南中八郡志曰南安縣出好枇杷

廣州記曰枇杷若橘參乎京都

華山記曰華山講堂西頭有枇杷園

荊州記曰宜都出大批杷

廣志曰枇杷冬華實大如鷄子小者如杏味甜酸四月熟

出健為

仲長統昌言曰今人主不思甘露醴泉涌而患枇杷荔枝

之腐亦鄙矣

王彪之閩中賦曰果則烏桕朱柿扶餘枇杷

周祗枇杷賦曰昔魯季孫有嘉樹韓宣子譽之屈原離騷

亦著橘賦至於枇杷寒暑無變負雪揚華永植之庭圃遂

賦之云名同音雖質異貞松四序一采素華冬馥

曹植樂府歌曰橙橘枇杷甘蔗代出

謝靈運七濟口朝食既畢摘菓堂陰春惟枇杷夏則林檎

檳榔上堂回

吳錄地理志曰交趾朱截縣有檳榔樹直無枝條高六七

丈葉大如蓮實房得古貨灰扶留藤食之則柔而美郡內

及九真日南並有之

宋書曰劉穆之少時家貧誕肆嗜酒食不修拘檢好往妻兄弟乞食多見辱不以為耻其妻江嗣女甚明識每禁不令往江氏后有慶會屬勿來穆之猶往食畢求檳榔江氏兄弟戲之曰檳榔消食君乃嘗饑何忍須此妻復截髮市肴饌為其兄弟以餉穆之自此不對穆之梳沐穆及之為丹陽尹將召妻兄妻兄往而稽顙以致謝穆之曰本不匿怨無所致憂及至醉穆之乃令厨人以金拌貯檳榔一斛以進之

齊書曰任昉父遥本性重檳榔以為常餌臨終嘗求之不得好者昉亦所嗜好深亦為恨遂終身不嘗檳榔

梁書曰干陀利國在南海洲上其俗與林邑扶南略同出

班布古具檳榔檳榔特精為諸國之極

三國典略曰齊命通直散騎常侍辛德源聘於陳陳遣主

客蔡佞宴酬因談譎手弄檳榔乃曰頃聞北間有人為噉

檳榔獲罪人間遂禁此物定尔不德源答曰此是天保初

王尚書罪狀醉耳猶如李固被責云胡粉飾貌搔頭弄姿

不聞漢世頓禁胡粉

金樓子口有寄檳榔與家人者題為合字蓋一人口也

風俗記曰王高麗年四十五時四月八日在鼓城佛寺中

謝混見而以檳榔贈之王執手謂曰王即謝叔源可與周

施否

南中八郡志曰檳榔大如棗色青傾蓮子彼人以為異

項下抄本空一格入下亦空一格

婚姻好客輒先進此物若邂逅不設用相嫌恨

林邑記曰檳榔樹大圍丈餘高十餘丈皮似青銅節如

竹下本不大上末不小調直停停千萬若一森秀無柯端

頂有葉葉茸蕉條派開破仰望沙沙如彈蓼蕉於竹杪風

至獨動似舉羽扇之掃天葉下繫數房房綴十數子家有

數百樹雲疎如墜繩也

廣州記曰嶺外檳榔小如交趾而大如納子土人亦呼為

檳榔

廣志曰木實曰檳榔樹無枝略如柱其葉五六尺間椽如

黍秀實如火如桃李生棘針重疊其下剥其皮煮其肉實而

貫之堅如乾棗食后啖之滑美消穀下氣彼方珍之以為

日實亦出交趾

南方草物狀曰檳榔樹三月開花仍連著實大如鷄卵十

一月熟

雲南記曰雲南有大腹檳榔在枝朶上色猶青每一朶有

三二百顆又有剖之為四片者以竹串穿之陰乾則可又

停其青者亦剖之為一片青葉及蛤粉卷和嚼嚙其汁即

似減滋味雲南每食訖則下之

又曰雲南多生大腹檳榔色青猶在枝葉上每朶數百顆

云是彌臣國來

又曰雲南有檳榔花糝極美

又曰平琴州有檳榔五月熟似海螺殼燒作灰名為奔蛤

灰共扶留藤葉和而嚼之香美

羅浮山疏曰山檳榔一名蒟子幹似蔗葉類柞一作一藜十餘幹每幹生十房房底數百子四月采樹似栢欄生日南者與檳榔同狀五月子熟長寸餘

楊銜之洛陽伽藍記曰南方歌樂國取為強大民戶殷多

山明珠金玉及水精珍異饒檳榔

異物志檳榔若筍竹生竿種之精硬引莖直上末五六尺間洪洪腫起若庵木焉因折裂出若黍稷無華而為實大如桃李又生棘針重累其不以禦衛其實剖其上皮空其膚熟而實之硬如乾棗以扶留藤古賁灰并食下氣及宿食消穀飲食設以為口實

嶺表錄異曰檳榔交廣生者非舶檳榔皆大腹子也波中悉呼為檳榔交趾豪士皆家園植之其樹莖葉根幹與枕榔椰子小異也安南人自嫩及老採實啖之以不婁藤蕪之瓦屋子灰統咀嚼之自云交州地温不食此無以祛其瘴厲廣州亦噉檳榔然不甚於安南也府郭內內亦無檳榔樹

周成雜字曰檳榔菓也似螺可食

李當之藥錄曰檳榔一名賓門

左思吳都賦曰檳榔無柯椰葉無陰

劉淵林吳都住曰檳榔高六七丈正直無枝葉條從心生其實作房從心中一房數百實如鷄子外有殼肉滿殼中

正白味苦澁得扶留藤與古貢灰食則柔滑而美矣

俞益期與韓康伯牋曰檳榔信南遊之可觀子既非常木

名特奇云温交州時度之大者三圍高者九丈其擢穗似

禾其綴實似殼其皮似桐而厚其節似竹而概既音其中空

其外勁其屈如覆虹其申如縋繩步其林則寥郎庇其蔭

則蕭條信可以長吟可以遠想矣性不柰霜不得北植必

當遊樹海南遼然萬里不遇長者之目自令恨深

劉義恭啓事曰奉賜交州所獻檳榔味殊常品塗遠蒟

醬九真蠻獠俗曰九真獠欲婚先以檳榔子一函詣女

女食郎婚

豆寇

劉欣期交州記曰豆寇似杭杭樹味辛堪綜合檳榔嚼治斷

齒

環氏吳地記曰黃初三年魏來求豆寇

南方草物狀曰漏榮其樹子大如李實二月華七月熟出與

左思吳都賦曰草則藿蒻豆寇

胡桃上卷五

晉官閣名曰華林園胡桃八十四株

廣志曰陳倉胡桃皮薄多飢陰平胡桃大而皮脆急捉則

破

西京雜記曰上林苑有胡桃

吳時外國志曰大秦有棗榛胡桃

博物志曰張騫使西域返得胡桃

廣五行記曰后蜀李雄王衡十二年扶風人韓豹為太史

令雄卒子期立以豹為太傅猶領候耽豹嘗言於期曰臣

今老志在田園欲植胡桃願賜其種期不悟俄而李壽自

涪率衆南向襲尅成都廢期自立

嶺表錄異曰大胡桃皮厚而堅大於北府底平如櫛櫛多

肉少壤非與地中者相似以斧槌之方破或取之自底磨

平以為日子其隔屈曲類篆文也

馬融西第頌公胡桃自零

潘岳閑居賦曰三桃表櫻桃之別

孔融與諸鄉書曰先日多惠胡桃多知篤意

劉涓母荅虞吳國書曰咸和中避蘇峻亂於臨安山吳國

遣使餉饋乃荅書曰此果有胡桃飛穰飛穰出自南州胡

桃本生西羌外國外剛內柔質以賢欲以奉貢

荔枝

東觀漢記曰單于來朝賜橙橘龍眼荔枝

謝承后漢書曰汝南唐羗為臨武縣長接交州舊獻荔枝

羗上書乃諫止

魏文帝詔群臣曰南方有龍眼荔枝寧比西國蒲陶石蜜

乎今以荔枝賜將吏噉之則知其味薄矣

吳錄曰蒼梧多荔枝生中山人家亦有種之

唐書曰楊貴妃生於蜀好荔枝支海南荔枝勝蜀者故每歲

飛馳以進然方暑而熟經宿輒敗

又曰白居易為忠州刺史在郡為木蓮荔枝圖寄朝中親友各記其狀曰荔枝生田峽間形圖如帷蓋葉如桂冬青華如橘春榮實如丹夏熟原如蒲萄核如枇杷殼如紅繒膜如紫絹瓤肉瑩白如冰雪醬液其酸如醴如酪大抵如此其實若離本枝一日而色變二日而香變三日而味變四五日外色香味盡去矣

廣志曰荔枝高五六丈如桂樹綠葉蓬蓬然冬夏鬱茂實華朱實大如鷄子核黃黑似熟蓮子實白如助其而多汁似安石榴有甜味夏至日將已時翕然赤則可食也一樹下萬斛捷為饗道南荔枝熟時百鳥肥其名之曰焦核

小次曰春花次曰朝陽此三種為美次醜如大而酸以為醢和率生稻田間

又曰荔枝壺橘南珍之上

西京雜記曰南越王尉陀獻高祖鮫魚荔枝高祖報以補桃錦四疋

竺法真登羅山疏曰荔枝冬青夏至日子始赤六七日可食其酸宜人其細核者謂之蕉核荔枝之取珍也

異物志曰荔枝為異多汁味甘絕口又小酸所以成其味可飽食不可使厭生時大如鷄子其膚光澤皮中食乾則醜小則肌核不如生時奇四月始熟也

嶺表錄異曰荔枝南中之珍果也梧州江前有火山上

荔枝四月先熟故曰其地熱核大而味酸其高新州與南海
產者最佳五六月方熟形若小鷄子近帶稍平皮殼微紅
肉瑩寒玉又有焦核者性熱液甘食之過度即密漿制之
又有嶋荔枝黃色味稍劣於紅者

廣州記云每歲進荔枝郵傳者疲斃於道漢朝下詔止之
今猶修事荔枝剪造焉其樹自經尺至于合抱葉密如冬
青木性堅車其根工人多取為阮咸槽彈弓碁局

仲長統昌言曰今人主不思神芝朱草而患枇杷荔枝之腐
亦鄙甚矣

王逸荔枝賦曰乃觀荔枝之樹其形色緩若朝雲之興森
如橫天之簪角亢興而靈華敷大火中而朱實繁灼灼若

朝霞之吐日離離如繁星之着天

刘淵吳郡注曰荔枝樹生山中葉綠色實正赤肉肥肌正

白味美

左思蜀都賦曰傍挺龍目側生荔枝布綠葉之萋萋結朱

實之離離

太平御覽卷第九百七十一

據照宋板舊抄本校計九頁

前五行

太平御覽卷第九百七十二

果木部九

蒲萄

橄欖

椰

楊梅

沙棠

枸椽

益智

梲子

楸

葡萄

史記曰大宛以蒲萄為酒富人藏酒至萬餘石久者數十
歲不敗漢使取其實來於是離宮別觀傍盡種蒲萄

漢書曰李廣利為二師將軍破大宛得蒲萄歸漢

續漢書曰扶風孟嘉以蒲萄酒一斛遺張讓即以為涼州

刺史

三朝錄又載決

魏文帝詔群臣曰中國珍果甚多且復為說蒲萄當奇味
夏涉秋尚有餘暑醉酒宿醒掩露而食其而不餽脆而不
酸冷而不寒味長汁多除煩解飢又以為酒其於麴蘖善
醉而易醒道之固以流涎咽唾况親食之即遠方之果寧
有疋者乎

崔鴻十六國春秋前涼錄曰張賦文字洪茂燉煌人也作
蒲萄酒賦文致甚美

又后凉錄曰建元二十年呂光入龜茲城胡人奢侈富於
生養家有蒲萄酒或至千斛經十年不敗

北齊書曰李元忠曾貢世宗蒲萄一盤世宗報以百疋練
縑遺其書曰儀同位亞台茲識懷貞素出藩入侍備經要

重而猶家無檐石室若懸磬豈惟輕財重義奉時愛已也
父相嘉尚嗟詠無極恒思標賞有意無由忽辱蒲萄良深
佩戴聊用絹百疋以酬清德

唐書曰高祖賜群臣食於御前果有蒲萄侍中陳叔達執
而不食高祖問其故對曰臣母患口乾求之不能得高祖
曰卿有母可遺乎遂流涕嗚咽久之乃止因賜物百段又
曰蒲萄酒西域有之前代或有貢獻人皆不識及破高昌
牧馬乳蠶樞實於苑中種之并得其酒法太宗自損益造
酒為凡有八色芳辛苦烈味蕪醜益既頒賜群臣京師始
識其味

又曰太宗時葉護獻馬乳蒲萄一房長一丈餘子赤稍大

其色紫

又曰李直方常第果實若貢士者以緣李為首芳梨為副櫻桃為三甘橘為四蒲萄為五或薦荔支曰寄奉之首也又曰羽賓在宓嶺南喻縣度金熱坂其地暑濕人皆乘馬土宜秔稻多甘族蒲萄草木凌寒不死

金樓子曰大月氏國善為蒲萄花葉酒或以根及汁溫之其花似香而綠榮碧鬢夏春之時萬頃競發如鸞翼八月
中風至吹葉上傷裂有似綾紈故人呼風為蒲萄風亦名
為裂葉風

漢武帝內傳曰西王母常下帝獻蒲萄酒

杜篤邊論曰漢徑匈奴取其胡麻稗麥首蓿蒲亦廣地也

廣志曰蒲桃有黃黑白三種

雲南記曰雲南多乾蒲桃

楊銜之洛陽伽藍記曰白馬寺浮圖前茶林蒲桃異於餘處枝葉繁衍子實甚大茶林實重七斤蒲萄實備於棗味並殊美冠於中京帝至熟時嘗請取之或復賜官人得之轉餉親戚以為奇異得者不敢輒食乃歷數家京師語曰白馬甜榴一實直半

唐景龍文後記曰四月上巳日上幸司農少卿王光軸座

駕返頓后中書侍郎南陽令義設茗飲蒲萄漿與學士等

討論經史

又曰大學士李嶠入東都祔廟學士等祖送城東上令中

官賜御饌及葡萄酒

博物志曰西域有葡萄酒積年不敗彼俗傳云可至十年飲之醉彌日不解

又曰張騫使西域得葡萄

晉宮閣名曰華林園葡萄百七十八十株

秦州記曰秦野多葡萄

本草經曰葡萄生五原隴西燉煌益氣強志令人肥健延年輕身

王逸荔枝賦曰西旅獻崑山之蒲桃

鍾會葡萄賦曰余植蒲桃於堂前嘉而賦之命筍最病作

應禎蒲桃賦曰結繁子之礪落兮英龍總而彌房

傳玄蒲桃賦曰踰龍堆之險越細心度之阻涉乎三光之阪歷乎身熱之野

橄欖 上六三五

金樓子曰有樹名獨分為二株其東向一枝是水威樹南向一枝橄欖樹

南越志曰博羅縣有合成樹十圍去地二丈分為三衢東向一衢木葉似練子如橄欖而硬削去皮南人以為糝南

向一株橄欖西向一衢橄欖

裴淵廣州記曰橄欖澁酒

廣志曰橄欖大如雞子交趾以飲酒

南州草木狀曰橄欖子大如棗二月華八九月熟生食味

酸密藏乃甜美交趾武平與古九真植之

臨海異物志曰餘甘子核刑初入口舌溢酸飲水乃甘又

如梅實核兩頭銳乎為餘甘橄欖同一物異名耳

嶺表錄曰橄欖樹身聳枝皆高數尺其子深秋方熟閩中

尤重味云咀之香口勝含雜舌香飲悉解酒毒有野生者

子繁稠峻不可梯緣但刻其根下方寸許內鹽於其中一

夕子皆自落樹枝節上生脂膏如桃膠南人採之和其皮

葉煎之調如黑錫謂之橄欖糖用泥船損乾后堅於膠漆

着水益乾耳

左思吳都賦曰龍眼橄欖

椰 上三五

隋書曰林邑國人深目高鼻髮拳色黑倍皆徒跣以幅布

纏身冬月衣袍婦人推髻施柳葉簾

唐書曰訶陵國俗以椰樹花為酒其樹生花長二尺余實

大如人脰割之取汁以成酒味甘飲之亦醉

南夷志曰荔支檳榔訶梨勤椰子檳榔等諸樹永昌麗水諸山

皆有之

雲南記曰南詔遣使致南國諸果有椰子狀如大牛心破

破一重籠皮刮盡又有一重硬殼有小孔以筋穿之內有

漿二合餘味甘色白

又曰雲南多椰子亦以蜜漬之為糝

廣志曰椰樹高六七丈無枝條有葉如束蒲乃在樹末實

如大瓠瓜懸在樹頭實外有皮中有核皮裏有汁升余
清如水美如蜜可飲核中膚曰如雪厚半寸味如胡桃而
美可食出交吐家種之

南方草木狀曰椰二月花花仍連着實房七連相累房三
十或二十七八子十一月十二月熟其樹黃俗名為丹橫
破之可作枕長如栝樓子

交州記曰椰子有漿截花以竹筩承取汁作酒飲之亦美
神異經曰東南荒中有椰木椰高二三丈或十餘丈圍丈
余或七八尺葉三百歲盡落而華華如甘瓜華盡落而
生萼下生子三歲而熟熟后不長不減形如寒瓜長七八
寸徑四五寸

南州異物志曰椰樹大二四圍長六七丈通身無枝至百
余年有葉七狀如蒲長四五尺直踈指天實生葉間皮有
之如蓮狀皮肉硬過於中肉白如鷄子着皮而腹內空含
汁大者含升余實形團團然或如棊樓橫破之可為爵並
堪器用南人珍之

異物志曰椰樹高六七丈無枝條葉如束蒲在上其實如
瓠繫之莫實外如皮胡桃蘆膚中汁升余清如水味美於
蜜食其膚則不飢食其汁則增渴文有如更眼處俗號椰
子為越王頭

嶺表錄異曰椰子樹亦類海梭號椰子大如甌盂外有粗
皮如火腹次有硬殼圓而且堅厚二三分有圓如卵者即

俗名打不
空格

截開一頭砂石摩之去其皴皮其爛班錦文以白金漿之
以為水罐子琢音可愛殼中有液數合如乳亦可飲之冷
而動氣

左思吳都賦曰椰葉無陰

俞益期歲曰有清漿數斗懸於長木之端終不乾故為小
異

楊梅 上壹五

金樓子曰梅周年七歲世聰慧孔君平詩其父父不在乃
呼兒出為設果有楊梅孔公指以示見曰此真君家果兒
應聲荅曰未聞孔雀是夫子家禽

博物志曰地有名章則生楊梅

南越志曰熙安縣白蜀里多楊梅張公以為名章則多楊
梅此偶以所聞而命書后後好事改地就之耳求白蜀去之
遠矣

裴淵廣州記曰廬山頂有湖楊梅繞其際人登者止得於
山飽食不得持下

吳興記曰故章縣縣北有石榔山出楊梅常以貢御張華
所謂地有名章必生楊梅蓋此謂也

食經曰藏楊梅法取完者一斛鹽漬之曝乾別取杭皮二
斤煮汁鹽漬之不加梅色如初美好可留數月

臨海異物志曰楊梅其子如彈丸正赤月中熟熟時似梅
味其甜酸

梁江淹楊梅頌曰懷藥挺實橙黃橘丹鏡曰繡壑昭霞綺
巒

沙棠 上堂五

山海經曰崑崙之山有木焉狀如棠七棠梨黃華赤實味如李
而無核名曰沙棠可以却水

呂氏春秋曰伊尹說曰果之美者沙棠之實

南越志曰寧鄉果多沙棠

竺法真登羅浮山疏曰羅浮有沙棠華黃赤實味甘如李

枸橼 上堂五

裴淵廣州記曰枸橼樹似橘如柚大而倍長味奇酢皮以蜜煮為糝如柚核紐

異物志曰枸橼實大橘如皮有香味不美可以浣治葛紵

鮑本作實如橘
大如飯豆云

若酸漿

劉欣期交州記曰枸橼樹似橘如柚大而俗甚味奇酸

皮以蜜煮為糝

嶺表錄異曰枸橼子形如瓜皮似橙而金色故人重之愛

其香氣京輦豪貴家釘盤筵憐其遠方異果肉甚厚白如

蘿蔔南中女王競取其肉雕鏤花鳥浸之蜂蜜點以燕脂

擅其妙巧亦不讓湘中人鏤木瓜也

益智 上堂五

十三國春秋曰安帝元年盧修為廣州刺史修遣劉裕益

智粽裕乃荅以續命湯

顧徽廣州記曰益智葉如蓑荷莖如竹箭子從心中出一

枝有十子子肉白滑四破去之取外皮蜜煮如柰子味甘

周景王廬山記曰山果有益智蒲萄

廣志曰益智葉似襄荷長丈余其根上有小枝高八九寸無葉萼其子叢生之如棗中辦黑皮白核小者曰益智含之開涎瀝出壽方亦生交趾

南方草物狀曰益智如棗長七八分二月葉五月六月熟味辛中芬香出交趾合浦

陳祁暢異物志曰益智類箠莖長寸許如枳粗子味辛刺史飲酒食之佳

惠遠法師答盧循書曰損餉深抱情至益智乃是一方異

味即於備中行之

楠子 上堂五

廣志曰楠子似木瓜樹本

南方草物狀曰楠子木如雞卵三月花八月九月熟味酸或蜜藏其甜美出交趾

劉欣期交州記曰如桃

陳祁暢異物志曰馨子之樹枝葉四布名同種異味實甜酢果而無核裏面如素柝酒止醒更為遺賂

榘 上堂五

毛詩秦車麟晨風曰隰有樹榘

毛詩赤羅或云山榘今人謂之楊榘樹實如榘但小

陸機毛詩疏義曰榘榘一名赤羅一名山梨今人謂之楊

棧樹其實如梨但實年小異耳一名鹿梨一名鼠梨齊郡
廣縣堯山魯國河內共北中有今人亦種之極有美者赤
梨之脆美者

爾雅曰棧羅也郭氏曰今楊棧也實似梨而酢可食也

廣志曰陽棧子似梨大如杏可食

晉官閣名曰華林園楊棧二株

前空三行

太平御覽卷第九百七十二據照宋板舊抄本校計八頁

太平御覽卷第九百七十二

果部十

龍眼上空三

榲櫨上空一

餘甘上空一

茆子上空一

木瓜上空一

劉上空一

爵上空一

杜梨上空三 另提行

楨棗上空一

榛上空二

柚上空二

椴上空二

椹上空二

龍眼上空五

廣雅曰益智龍眼也

謝承后漢書曰交趾七都獻龍眼

廣志曰龍眼樹葉似荔枝蔓延緣木生子大如酸棗色異

純甘無酸

朱岸傳曰果有龍眼

交州記曰龍眼樹高五六丈似荔枝而小

廣州記曰龍眼子似荔枝七月熟

吳氏本草曰龍眼一名比目

嶺表錄異曰龍眼之樹如荔枝葉小殼青黃色形圓如彈

丸大核如木棗子而不堅肉白帶漿其甘如蜜一朶恒三

二十顆荔枝方過龍眼即熟南人謂之荔枝奴以其常隨後也

左思蜀都賦曰傍挺龍眼側生荔枝

果名 榴櫨 上五

齊書曰武帝幸丹陽郡宴飲郵撫侍舅酒後狎侮同列時

王敬則執榴櫨以力子削之謂曰此非元徽頭何事自焚

廣志曰榴櫨其子甚酢出西方

餘甘 上五

吳錄地理志曰高涼安寧縣有餘甘初食之味苦后口中

更甘

臨海異物志曰餘甘子如梭形出晉安侯官界中餘甘橄

同一果耳

雲南記曰瀘水南岸有餘甘子樹子如彈丸許色微黃味

酸苦核有五棱其樹枝如柘枝葉如小夜合葉

陳祚暢異物志曰餘甘大小似彈丸大視之理如定陶瓜

斤初入口如苦忽咽中中乃更甜美鹽而蒸之尤美可多

食之

朱崖故事曰朱崖果有餘甘

左思吳都賦曰其果則丹橘餘甘荔枝之林

药子 上宜五

漢書曰番禺令唐蒙風曉南粵南粵食蒙蜀枸櫞醬注曰
枸音矩枸樹也如桑椹其長三二寸酢取其實以為醬

廣志曰蒟子蔓生依樹子似桑椹長數寸色黑辛如薑以
鹽濟之下氣消食出南安

左思蜀都賦曰竝杖傳節於大夏之邑蒟醬流味於番禺
之鄉

木瓜 上宜五

爾雅曰楸木瓜

鄭氏注曰實如小瓜
酢可食楸音茂也

周禮冬官下弓人職曰取幹之道木瓜次果桑

毛詩衛風淇水木瓜曰投我以木瓜報之以瓊瑤

毛云樹也
詩義疏曰

三國典畧曰齊孝昭北伐庫莫奚至其地以木瓜灰毒魚
魚皆死而浮出庫莫奚竊相謂曰池有靈魚犯之不祥乃
出長城北道齊分兵追擊獲牛羊七萬遂振旅而返

水經曰魚腹縣地多木瓜樹有子大如丸白黃實甚苦香
爾雅之所謂楸也

盛弘之荊州記曰魚腹縣有固樹陵村地多木瓜樹其子
大者如丸

晉宮閣名曰華林園有木瓜五株

廣志曰木瓜子可藏長一尺百二十節

吳氏本草曰木瓜生夷陵

虎丘山疏曰三面山悉木瓜

何承天木賦曰惟茲木之在林亦超類而獨劭方朝華而繁實比沙棠而有曜

劉 上堂五

爾雅曰劉劉杙也劉子生山中實如梨酢胡核堅出之也

吳錄地理志曰交趾麤侯縣有劉子樹出山中實如梨而味酸美郡內皆有之

南方草物狀曰劉三月華七月八月熟其色黃其味酢也交趾武平與古九真

吳都賦曰椽劉衡霜

椽 上堂五

周書曰夏食鬱椽也

毛詩豳七月曰六月食鬱毛注曰鬱椽

詩義疏曰其樹高五六尺其實大如李色赤食之甘

魏王花木志曰鬱樹高五六尺其實大如李赤色食之甘

廣雅曰一名李雀雀又名車下李又有郁李亦名棣亦名與

李子毛詩七月食鬱及與即郁李也一名棣也

呂氏本草曰郁李一名雀李一名車下李一名棣

晉宮閣名曰華林園莢李一株

司馬相如上林賦曰隱夫鬱李合逮離支

潘岳閑居賦曰梅杏英棗之屬

曹毗魏都賦曰若榴郁棗

杜梨 上堂五

爾雅曰杜甘棠 今之杜梨也

山海經曰岷山其木多棠

韓詩外傳曰邵伯在朝所司請召民邵伯曰不勞一身而勞百姓此非文王之志也於是廬於棠樹之下百姓大悅詩人見而歌焉

毛詩鵲巢甘棠曰蔽芾甘棠勿剪勿伐邵伯所芟 毛詩甘棠

毛詩蟋蟀杜杖曰有杖之杜生于道周

陸氏毛詩疏義曰杖杜杜赤棠也與白棠同但有赤白美

惡子白色者為白棠白棠甘棠也多酸美滑赤棠子澁而酢者也俗語澁如杜是也木理亦赤可以作弓材
孫楚杖杜賦序曰家弟以虞氏梨賦見示余謂豈以梨有用之為貴杜無用之為賤故賦之

榿棗 上堂五

晉宮閣名曰華林園榿棗四株

廣志曰榿棗味如柿晉陽榿肌細而厚以供御

范子計然曰榿棗出漢中郡

崔豹古今注曰榿棗葉如柿實似柿而小味甘美

司馬相如子虛賦曰櫨梨棗實 聘婷棗也 橘柚芬芳

左思蜀都賦曰林檎枇杷橙柿棗檮

榛上宜五

毛詩邶栢舟簡弓曰山有榛阻有苓

陸機毛詩疏義曰山有榛枝葉似栗樹子似橡子味似栗枝莖可以為燭

毛詩鄘栢舟定之方中曰樹之榛栗椅桐紫漆梓

詩義疏曰榛栗屬有兩種其一種之皮葉皆如栗其子小

形似杼子味亦如栗所謂樹之榛栗者也其一種枝莖如

木蓼生高丈余作胡桃味遼代上黨皆饒

周禮天官甸人取曰饋食之籩其實榛

禮記曲禮下曰婦人之贊棋榛棗栗

說文曰榛似梓實如小栗

山海經曰上申之山下多榛楛郭氏注曰榛似栗而小

任昉述異記曰漢末楊氏家園中產神榛二株

張衡七辨曰寒梨乾榛

由尔雅音義
或作概
上宜五

爾雅曰柚條鄭氏注曰以橙實酢出江南

尚書禹貢曰揚州厥苞橘柚

周書曰秋食橘柚

毛詩秦車麟曰終南何有有條有梅

孔子曰吳越之間有木焉其名柚白碧樹而冬青實丹而味

酸度淮北而化為枳焉

莊子曰三王五帝之禮義法度辟猶祖梨柚橘其味相反

而皆適於口

淮南子曰天之所覆地之所載皆生於一父母故槐榆與橘柚合而為兄弟

呂氏春秋曰果之美者雲夢之柚

山海經曰洞庭之山綸山銅山賈超之山其木多柚統而大似橘

而大似橘

蓋鐵論御史曰孝武皇帝平百越以為園圃臣庶皆厭橘

柚

崔寔政論曰橘柚之貢堯舜所不常御

裴淵廣州記曰別有柚號為雷柚實大如升

廣志曰成都有柚大如升

博物志曰橘柚類多豫章郡出真者

風土記曰柚大橘也赤黃酢也

神異記曰東方見春山外多柚

異苑曰南康歸美山石城內有甘橘柚

楚辭曰斬伐橘柚列樹苦桃

楚辭曰雜橘柚以為圃分列辛夷與椒櫝

司馬相如子虛賦曰橘柚芬芳

古詩曰橘柚垂華實乃在深山側聞君好我甘獨目竊獨離

餘

揚雄揚州牧箴曰彭蠡蠡既渚陽鳥攸居橘柚羽具瑤琨琨簞

蕩

崔琦七蠲曰于期江寧寔產橘柚紫葉玄實綠裏朱莖
郭璞讚曰屈生嘉歎以為美談

椒 上宜五

尔雅曰櫟椒也

郭璞注曰櫟屬子大如孟皮厚二三分中似枳食之味少

榘 上宜五

毛詩駟頌泮宮曰翩彼飛鷗集于泮林食我桑榘懷我好

音 燕桑實

後漢書曰獻帝時三輔大飢九月桑復生榘人得以食

魏略曰楊沛為新鄭長課民益畜乾榘會太祖西迎天子
無糧食沛進乾榘及太祖輔政遷為鄴令賜其生口十人
絹百疋欲以勵之報乾榘也

魏書曰袁紹在河北軍人仰棗榘

車頰秦書曰慕容垂圍鄴百姓不得復田民以桑榘為糧
相噉畧盡

晉書載記曰符登攻姚萇萇據武都相持累載未有勝負
登軍中大飢收榘以供兵

後魏書曰崔逞自燕奔魏尋除御史太祖攻中山乏糧問群
臣取食之方逞曰取榘可以助糧太祖雖御侮慢兵須食
乃聽人取榘

北史曰後周趙肅為齊州別駕有廩能名其東隣有桑榘
落其家就遣人悉拾歸其主戒諸子曰吾非以此求名意
者非機杼物不願侵人汝等宜以為誠

金樓子曰秦王遣徐福求桑椹于碧海之中海中亦有扶桑樹長數千丈樹兩根同生更相依倚是名為扶桑仙人食其椹而體作金光飛騰玄宮也

漢武內傳曰神仙上藥有扶桑丹椹

汝南仙賢傳曰蔡君仲孝養老母時赤眉亂君仲取桑椹赤黑異器賦問之答黑者與母赤者自食賊嘉之與鹽二

升

世說曰張天錫為孝武所器每入言語無不竟日頗有嫉之者^曰或於坐上問張曰北方向何物可貴張荅曰桑椹香鴟鴞^鴟鴞革響醇醪養性人無嫉心

世說曰有王甲從北方來請謝公問北方向何果最勝甲云

桑椹最好謝公問以北方江東何果甲云是黃甘之流公曰君何乃尔^爾妄語甲耻受妄語之名恐宰相所貴乃買駿馬候熟時取數十枚返以奉公公食之以為美乃謂甲曰此味乃江東所無而君近北黃甘於是引用為賓客

十州記曰有椹樹長數千丈名為扶桑芝仙人食其椹而體作金色飛翔玄宮其樹雖大其葉則小故如中夏之桑椹也但椹稀而赤九千歲一生實耳

楊銜之洛陽伽藍記曰願會寺中書侍郎王岍^岍拾宅所立也佛堂前生桑樹一株直上五尺枝條橫造柯葉傍布形如羽蓋復高五尺凡為五重每一重葉椹各異京師道俗

謂之神桑觀者成市布施者衆帝聞而惡之少為或衆命
給事黃門侍郎元紀伐殺之其日雲霧晦冥下斧之處流血
至地見者莫不悲泣

東方朔神異曰東方有樹高八十丈敷張自輔葉長一丈
廣六七尺名曰桑上有榘長三尺五寸其圍如數

異苑曰漢興平元年九月桑再榘時劉玄德軍小沛年
荒穀貴士衆皆飢仰以為糧

又曰北方有白桑榘長數寸食之其美

五行記曰晉武太元中太原王戎為鬱林太守泊船
新亭眠夢一人以板榘與之着衣禁中既悟得榘如夢

中

傅休奕桑榘賦曰繁實離離令母吐液翠未三變或女或
曰嘉味殊滋食之無數

太平御覽卷第九百七十四

果部十一

枳椇 上六三

椶櫚 上六三

蒟蒻 上六三

威木 上六三

椶木 上六三

柘 上六三

穉 上六三

楊桃 上六三

楊楸 上六三

冬熟 上六三

猴闌 上六三

關桃 上六三

土翁 上六三

狗槽 上六三

鷄橘 上六三

猴惣 上六三

多南 上六三

王坡 上六三

三廉 上六三

鬼目 上六三

甘蔗 上六三

甘藷 上六三

燕莢 上六三

蔗薑 上六三

枳椇

音只 上六六

毛詩嘉魚南山有臺曰南山有栲北山有楸

栲栲

及詩疏曰枳栲樹高大如白楊所在皆有子着支端支柯

不直噉之其美如飴八九月熟江南特美今官園種之謂

之木蜜能令酒味薄若以為屋柱則一屋酒可薄

禮記曲禮下曰婦人之贄枳椇脯修

鄭玄曰枳椇也

廣志曰枳椇葉似椰子似珊瑚其如味蜜十一月熟樹乾

者益美出南方大如指頭

崔豹百令注曰枳椇子一名樹蜜一名木錫實形拳曲核

在實外味甜美如錫蜜一名白石一名木石一名枳椇也

栲

音糖南越志果名似柰而酸

薛坐外荆楊以南吳志曰椰子樹產山中實似梨冬熟味

酸丹陽諸郡有之

蒟

音納上堂五

異物志曰蒟草樹果如枏櫚而小三月採其葉細破乾之

味近苦并其鷄舌香食之益善也

顧徽廣州記曰山檳榔大於大納子蒟子土人亦呼為檳榔

左思吳都賦曰藿蒟豆蔻

木威

上堂五

顧徽廣州記曰餘甘其蔗木威黃皮其味殊苦

顧徽廣州記曰木威高丈餘子如橄欖而堅削去皮以為

栲

栲木

上堂五

吳錄地理志曰盧陵南郡零都縣有栎樹其實如甘蔗而核味亦如之

栎音求
上宜五

爾雅曰栎音求也梅音求也郭璞注曰栎似梅子如

栎上宜五

爾雅曰栎音求也

郭璞注曰栎實似榛赤可食

山海經曰庭之上山多栎木

郭璞注曰即栎也

曹毗魏都賦曰果則谷栎山栎音求

楊桃上宜五

臨海異物志曰楊桃似南方橄欖子其味甜常五月十月

熟諺言楊桃無蹇一歲三熟其色青黃核如棗核

臨海異物志曰楊桃子生晉安侯官縣一小樹得數十石

實大三寸可蜜藏之

庾仲初楊都賦曰楊桃枇杷

楊槿上宜五

生樹皮中其解

臨海異物志曰楊槿有七脊子雖異味則無奇長四五寸

色青黃味甘也

冬熟上宜五

臨海異物志曰冬熟如指大色赤其味甘勝梅

候闌上宜五

臨海異物志曰候闌子如指頭大其味苦可食

關桃上宜五

臨海異物志曰關桃子其味酸

土翁 上堂五

臨海異物志曰土翁子如漆子大熟時甜酸其色青黑

枸槽 上堂五

臨海異物志曰枸槽子如指頭大正赤其味耳

鷄橘 上堂五

臨海異物志曰雞橘子如指頭大味耳永寧南界中有之

猴惣 上堂五

臨海異物志曰猴惣子如指頭大與柿相似其味不減於

柿

多南 上堂五

臨海異物志曰多南子如指頭大其色紫其與梅子相似

晉安侯官界中有之

臨海異物志曰王坎子如棗大其味甘晉安侯官越王祭

王坎

坎邊有此果無知其名因見生處遂名王坎其形小於龍

眼有似木瓜七月熟其美也

王彪之問中賦曰王坎侯栗

揚都賦曰草則龍目荔枝王坎丹橘

三廉 山見南越志

陳初暢異物志曰三廉大實不但三雖各三廉或食之多

汁味酸且其藏之尤好與眾果相參

鬼目

爾雅曰符鬼目

郭景純曰今江東有鬼目草莖似草葉圖如毛子如耳瑞赤色叢生

廣志曰鬼目似梅人以飲酒

南方草木狀曰鬼目狀樹大者如木子小者如鷄子二月花色仍連着實七月八月熟其色黃其味酸以蜜煮之滋味柔嘉交趾武平與古九真有之

燕滿廣州記曰鬼目益智直尔不敢嗽可為漿也

交州記曰鬼目樹似棠梨葉似楮皮白樹高大如木瓜而小邪傾不周正味酸九月熟又有草昧子亦如之亦可為糝因其草似鬼目

甘蔗

說文曰諸蔗也

漢書禮樂志郊祝歌曰百味旨酒布蘭生黍尊柘漿解

醒應柳日柳漿取

兵錄地理志曰交趾句扁瀾縣甘蔗大數付其味醇美異於他處笮以為錫噉之疑如冰破如博碁入口消付

江表傳曰孫亮使黃門以銀盤并蓋就中藏吏取交州所獻甘蔗錫黃門先恨藏吏以鼠屎投錫中啟言吏不謹亮呼吏持錫器入門曰此器既蓋之且有油覆無緣有此也

黃門將有恨汝耶叩頭曰常從臣末官莞蔗有數不敢與亮曰必是此也問其服即於前加髡鞭斥外付

晉書曰顧恒之每食蔗自屣至本人或問之曰漸入佳境

宋書曰庾仲文好貨劉雍自謂得其取力事之如父夏中送甘蔗

又曰元嘉末魏太武征鼓城遣使至小市門致意求甘蔗及酒孝武遣人送酒二器及甘蔗首根齊書曰宜都王鏗善射常以棚的太濶曰終日射侯何難之有乃取甘蔗插地百步射之十發十中

又曰范雲永明十年使魏魏人李彪宣命至雲所甚見稱美彪為設甘蔗黃棗隨盡復益彪笑謂曰范散騎小驗之一盡不能復得

梁書曰庾沙彌性至孝劉母亡好啜甘蔗沙彌遂不食焉三國典畧曰陸納反湘州分其衆二千人夜襲巴陵晨至

城下宜豐侯修出壘門坐胡床以望之納衆乘水來攻天下如雨修方食甘蔗曾無懼色部分軍旅鼓而進之遂獲其一艦生擒六十人納遂歸保長沙

又曰侯景至朱雀街南建康令庾信守朱雀門俄而景至信衆撒射始除一舶見景軍皆着錢面退隱于門自言曰燥燠求甘蔗俄而飛箭中其門柱脩手中甘蔗應弦而落隋書曰赤土國物產多同於交趾以甘蔗作酒雜以紫瓜根酒色黃赤味亦香美

永嘉郡記曰樂城縣三州府江有三洲因以為名對岸有浦名為菰子出好甘蔗

盧諶祭法曰冬祀用甘蔗

太平御覽 九百七十四卷
范汪祠制曰孟冬祀用甘蔗

扶南傳曰安息國出甘蔗

廣志曰甘蔗其錫為石蜜

雲南記曰唐高齊休聘雲南會川都督劉寬使使致甘蔗
七節希似竹許削去后亦有甜味

神異經曰南方荒內旰睹林其高百丈圍三丈促節多汁

甜如蜜 斯音干 嗜音柘

異物志曰甘蔗遠近皆有交趾所產特醇好本末無薄厚

其味甘園數寸長丈餘頗似竹斷而食之既甘生取汁為

飴飴益珍煎而暴之凝如水

甄異傳曰隆安中吳縣張牧字君林忽有鬼來無他須臾

唯欲噉甘蔗自稱高褐主人呼為阿褐牧母見之是小女

面青黑色通身青衣

魏文帝典論曰嘗與平虜將軍劉勳奮威鄧展等共飲宿

聞展有手臂曉三兵余與論劍酒酣耳熱方食甘蔗便以

為於下殿數交三中其臂

袁子正書曰歲比不登凡不給之物若甘蔗之屬皆可

權禁

楚詞曰臚坳 到 斃 炮羔有柘漿 柘 蔗

司馬相如子戲賦曰諸柘巴頹 直 柘 蔗

張協都蔗賦曰若乃九秋良朝玄酎初出觴浮花黃酒飲

累白控斯柘而療渴若漱醴而含蜜清津滋於紫梨流液

豐於朱橘

曹植詩曰都蔗雖甘杖之必折巧言雖美用之必滅

張載詩曰江南郡蔗釀液澧沛三巴黃其瓜州素榛凡此

數品殊美絕配渴者所思銘之裳帶

李伯仁七款曰副以其柘豐弘誕節織液王津旨於飴密

虞翻與弟書曰有數頭男皆知奴僕伯安雖癡諸兒不及

觀我所生有兒無子伯安三男阿思似父思其兩弟有似

人也去日南遠恐如其蔗近抄即薄

應璩與尚書諸郎書曰檀氏園葵菜繫茂諸蔗瓜芋亦离

尚萌未知二生復何種植

馮植竹杖銘曰杖必取材不必用味相必取賢不必所愛

都蔗雖甘猶不可杖佞人悅已亦不可相

南方草物狀曰甘蔗民家常以二月種之至十月乃成郊

大者如鵝小者如鴨掘食其味甜經久得風乃淡泊耳出

交趾武平九真輿古

陳暢邠異物志曰甘蔗似芋亦有巨魁剥去皮肌肉正白

如南方人專食之以當米穀蒸炙皆香美賓客酒食亦施

設有如果實也

燕輿音郁 上卷五

毛詩豳七月曰六月食鬱及蓂莫也

毛詩題綱曰葛藟一名燕輿藤好生河澗邊得水潤而長

喻王九族蒙王恩惠以育子孫今王无澤於族人不如葛

藟生河澗邊也

廣雅曰燕蕒蓂舌也

廣志曰燕蕒似黎早熟

魏王花木志曰燕蕒實如龙眼黑色說文謂之嬰蕒詩疏

一名車鞅藤函詩七月食蕒及此名燕蕒

潘岳閑居賦曰梅香蕒樣之屬繁榮藻麗之節

曹毗魏都賦曰英梅揚李若榴郁樣

郁俗謂

廉蕒

王空五

廣雅曰蒨葎相維切蕒也

湘州記曰始安縣空危山精了山出蕒蕒

食經曰廉蕒法蜜煮烏梅去滓蕒蕒再三宿色黃赤如琥

珀

劉楨清慮賦曰仰稱木稱並俯稜稜廉蕒

太平御覽卷第九百七十四

據照宋板舊抄本校計七頁

太平御覽卷第九百七十五

果部十二

甘蔗

扶留

芋

菱

茨

蓮

藕

甘蔗 上三三

晉宮閣名曰華林園芭蕉二株

南夷志曰南詔土無食器以芭蕉葉藉之

廣志曰芭蕉莖或曰甘蕉莖如何芋重皮相裹大如孟升

葉廣二尺長一丈子有角子長六七寸或三四寸生為行

列兩兩其對若相抱形剝具上其皮色黃白味似葡萄甜而



飽人其根大如芋魁一石青色其莖解散如絲織以為葛謂之蕉葛雖脆而好色黃白不如葛色出交趾建安

南州異物志曰芋蕉草類望之如樹株大者一圍餘葉長

一丈或七八尺廣尺余餘一尺許花大如酒杯形色如芙蓉

著莖末百餘子大名為房根似芋塊大者如車轂實隨華

每華一圍各有六子先後相次子不俱生花不俱落此葉

有三種一種子大如柶指長而銳有似羊角名羊角蕉味最

其好一種子大如雞雞卵有似牛乳味微或羊角蕉一種大

如藕子長六七寸形正方少其味最弱其莖如芋取以灰

練之可以紡績

異物志曰芭蕉葉大如筵席其莖如芋取鑊煮之為絲可

紡績女功以為締綌今交趾葛也其内心如蒜鵠頭生大

如合梓梓因為實房一房有數十枚有實皮赤如火剖之中

黑刺其皮食其肉如蜜甚美食之四五枚可飽而餘滋味

猶在齒牙一名其蕉

顧徽廣州記曰其蕉與吳花實根葉不異真是南土暖不

經霜凍四時花葉展其熟其未熟亦苦澁也

南方草物狀曰蕉樹子房相連累其美亦可蜜藏

遊名山志曰赤巖山水石之間有其蕉林高者十丈

下敬宗甘蕉讚曰扶踈似樹質則非木

扶留上音回

吳錄地理志曰始興有扶留藤木綠而生味辛可以食櫛

蜀記曰扶留木根大如斗視之似柳根又有蛤名古賁生水中取燒為灰曰牡厲粉先以檳榔著口中又以扶留長寸古賁灰少許同嚼之除胃中惡氣

異物志曰古賁灰牡厲灰也與扶留檳榔三物合食而後善也扶留藤似木防已扶留檳榔所生相去遠為物甚異而相成俗曰賓榔扶留可以忠憂

交州記曰扶留有三種一名樓扶留其根香美一名南扶留葉青味辛一名扶留藤味亦辛

廣志曰扶留藤綠樹生其花實即蒟也可为醬左思吳都賦曰石帆水松東風扶留

芋 上四

說文曰齊人謂芋為苽

孝經援神記曰仲冬昴星中叔苽芋 宗均曰苽亦芋

廣雅曰藉如水芋也亦曰烏芋

漢書曰汝南郡有鴻臚大陂程方進為丞相奏破之郡中

追怨童謠曰壞坡誰翟子威飯我豆美食芋魁

漢書曰奉破趙遷卓氏曰吾聞岷山之沃野下有蹲鴻臚 鴻臚也至死不飢乃不遠遷攻之臨邛至僮百人

崔鴻十六國春秋蜀錄曰李雄剋成都衆甚飢餒乃將民就穀於鄆掘野芋而食之

南史孝義傳曰鮮于文宗漁陽人年七歲喪父父以種芋

時亡至明年芋時對芋嗚咽如此終身

汜勝之書曰區種芋法區杖三石

汝南先賢傳曰袁安字召公除陰平長時年飢荒民皆菜食租不入畢安所使輸芋曰百姓餓困長何得食穀先自引芋吏皆從之

汝南先賢傳曰薛苞歸先人家家側種稻芋稻以祭祀芋以充飢耽道說禮玄虛無為

列仙傳曰酒客為梁承使民益種芋三年當大飢卒如其言梁民不死

風土記曰博士芋蔓生根如鷄鴨卵

華陽國志曰何隨字季業蜀郡人母亡歸送吏饑輒取道

側民芋種隨以帛繫其處使足所取直民相語曰聞何安漢清民取糧種今為之償

博物志曰野芋食之殺人家芋種之三年不收後旅生亦不可食

廣志曰凡十四芋有君芋大如魁有車轂芋有旁巨芋有着邊芋此四芋魁大如餅少子葉如織蓋細色紫莖長丈餘易熟長味芋之最善者也莖可作羹臠有蔓芋綠支生大者二三升有鷄子芋色黃有百果芋收百斛有卑芋七月熟有九面芋大小美有蒙控芋有青芋有曹芋子皆不可食莖可為菹又有百子芋出葉榆縣有魁芋無旁子生永昌

本草經曰芋土芝八月採

左思蜀都賦曰瓜疇芋區

菱上四

殿樓 郭璞注

爾雅曰菱蒨檉也水也

尚書大傳曰鉅鹿菱野大魯

周書曰冬食菱藕

周禮天官甸人職曰加籩之實菱

國語曰屈到嗜菱有疾召其宗老而屬之劉楚卿曰祭

我必以菱及祥宗老將薦菱屈違命去之建和到之曰夫

子不以私欲干國之典也

漢書循吏傳曰龔遂為渤海太守勸民秋冬益畜果實菱

茨

謝承後漢書曰袁閔父賀為彭城相亡閔到郡迎喪飢食

菱茨渴飲行潦

梁書曰魚弘為湘東王鎮西馬司述職西上道中乏食綠

路採菱作飯給所部弘度所後人覓一菱不得又於窮洲

之上捕得獼猴數百為脯以供酒食

淮南子曰楚靈王作章華之臺棄疾承民之怨而立公子

比百姓避而去之乃食菱飲水枕塊而死

呂氏春秋曰厲叔事莒陽公自以為下知而去君於海上

夏日則食菱茨冬日則餐橡栗

杜恕篤論曰夫萍之浮與菱之浮相似也菱植根萍隨波

是以堯舜歎巧言之亂德仲尼惡紫之奪朱

風俗通曰殿堂象東井形刻荷菱水物所以厭火也

羅浮山記曰綏寧縣元龜淵中出菱甚為甘旨

廣志曰鉅野大菱大於常菱淮漢以南為年以菱為蔬

范汪祠祭曰孟秋之祭菱茨

楚辭曰制芰荷以為衣芳集芙蓉以為裳

左思蜀都賦曰其沃瀛則有綠菱紅蓮

潘岳西征賦曰鳧躍漸暖噉菱茨

郭璞江賦曰忽忘夕而宵歸詠採菱以叩舷

曹植九愁曰採菱華而結辭

孫楚論倡建文曰加籩之品菱芡存焉楚多陂塘菱所生

父自嗜之而抑地舉祝既毀就養無方之禮又失奉死如生之義奪平素欲建何忍焉

茨

周禮天官甸人職曰加籩之實茨

漢書曰龔遂為渤海太守勸民冬益蓄果實菱茨

淮南子曰狸頭愈鼠雞頭已瘻瘻雞頭水中草幽州謂之

鷓鴣頭亦

崔豹古今注曰茨雞頭也一名鷓鴣頭一名茨葉似荷而大

葉上蹙衄如沸實有芒刺其裏如珠可以療飢止渴

方言曰菝菝雞頭也北燕謂之菝清徐淮泗之間謂之茨

說文曰茨鷓鴣頭也

廣雅曰南楚江湖之間謂之鷓頭或謂之鴈頭
本草經曰雞頭一鴈實生雷澤

劉駒駘玄根賦曰芳林臻臻朱竹離離菱茨吐榮若櫛錦
而布繡

蓮上高

爾雅曰荷芙蓉其實蓮蓮謂也其中的蓮謂也的中薏薏謂也苦

毛詩陳宛介澤陂曰彼澤之陂有蒲與蓮有美一人食大

已卷

史記曰龜千歲遊於蓮葉之上焉

吳時外國志曰大秦國有蓮藕雜果

宋起居注曰元嘉十八年有司奏揚州刺史王濬解稱州

治後池有兩蓮駢生雙房分體又十六年華林有雙蓮同

幹秀出華池

宋起居注曰太史二年八月嘉蓮雙葩並實合跗同莖生

豫州鱧湖又六年雙蓮一帶生東宮玄浦池

三國典畧曰齊王還鄴高麗新羅丈遣使朝貢先是徐州

蓮二莖兩蒂占云異木連枝遠人入欵斯其應也

北齊書曰後主武平中待進侍中崔季舒宅中池內蓮莖

皆作胡人面仍着鮮卑帽俄而季舒見殺

三國典畧曰周平齊齊幼主胡太后等並歸於長安初武

成殂後有謠云千錢置果園中有芙蓉樹破券不分明蓮

子隨他去調其悲苦至是應焉

又曰高緯所幸馮淑妃名小蓮也

後唐書監軍張承業本朝舊人權貴任事人士脅肩低首
候之唯馬郁以滑稽音海押每賓僚宴集承業出異方珍果
陳列於前客無敢先嘗者當郁前者食必盡承業怒戒主
膳者曰他日馬監至惟以乾蓮子置前而已郁至窺之知
其不可啖異日韉中置鐵錘出以擊之承業大咲曰為公
易饌勿敗予按

夏美孝芙蓉賦曰綠房翠葉紫飾紅敷黃螺圓出垂粧散
鬢嬰以金牙點以素珠

孫楚蓮華賦曰熒聚星列織離相扶微若玄黎投幽夜粲
若邵林飛鶴騶

樂府歌曰江南可採蓮七葉何田田

藕

爾雅曰荷芙蓉其根藕

吳時外國志曰大秦國有蓮藕雜果

齊書曰永明中巴東王子嚮殺行事劉夤等武帝聞之謂
群臣曰子嚮遂反戴僧靜大言曰諸王應自反豈唯巴東
武帝問其故答曰天王無罪而一時被困一捉藕一盃漿
皆謫籤師不在則竟日忍渴

唐史曰蘇州進藕其最上者名傷藕或云荷名或云葉甘
為蟲所傷或云故傷其葉以長其根近多重臺荷蓋蓮實
中又生花亦甚異也

司馬相如子虛賦曰咀嚼菱藕

夏侯孝芙蓉賦曰咀菱藕於玄泉

謝朓詩曰秋藕折輕絲

太平御覽卷第九百七十五

據宋板舊抄本校計七頁

太平御覽卷第九百七十六

菜部一

菜

菜

韭

韭

詩曰我有旨蓄亦以御冬美御禦也蓄聚菜以

又曰其蔌伊何維筍及蒲蔌菜也

周禮春官曰入享釋采合舞入享必釋菜禮先

儀禮婚禮曰舅姑及沒則婦入三月乃奠菜殺終也奠菜

蓋用纒婦之姓曰某氏來歸敢奠嘉菜

禮曰仲秋之月命有司趣民收斂務蓄菜始為御冬

左傳曰蘋蘩藇藻之菜可薦於鬼神可羞於王公

爾雅曰菜謂之藪蔬不熟為藪藪味鹹各見詩九章
論語曰雖蔬食菜羹瓜祭必齊如也

又曰飯蔬食飲水曲肱而枕之樂亦在其中矣
尚書大傳曰然君之室雖生美菜存義之士弗食

後漢書曰劉平與母俱匿野澤中平朝出求食逢餓賊將
烹之平叩頭曰今且有老母求菜毋老音解願得先歸食

毋畢還就死涕泣賊見其孝讓而遣之平還既食母訖因
白曰屬與賊期義不可欺遂還詣賊衆皆大驚相謂曰常

聞烈士乃今見之子去矣吾不忍食子於是得全
又曰崔瑗愛士好賓客盛脩肴膳殫極滋味不問餘產居

常蔬食菜羹而已

謝承後漢書曰汝南鍾南嚴海君少時鄉人有入其園竊
菜者明日拔菜悉遺鄉里鄉里人相約無復取菜者

又曰彭城朱躍字子卿為漁陽相前相所種菜悉付還外
魏國志曰倭國地温冬夏食生菜

吳書曰趙咨使魏魏人曰聞江東有蒞蹄菜作若為食咨
曰當得倉鱸以作羹

王隱晉書曰皇甫咨姑子梁柳為城陽太守或勸諮送之
咨曰柳為布衣過吾吾趨柳不出門食不過塩菜貧不以

酒食為礼也今而送是貴城陽太守而賤梁鴻季也豈中
古入之道哉

又曰邵續為食勒所執身灌園鬻菜以供衣食勒屢遣人

六平往集。八百七十一。六。
察之歎曰此真高人矣不如是安足貴乎嘉其清苦賜穀
帛每臨朝嗟嘆以厲羣臣

又曰桓温性儉每讌唯下七奠拌菜菓而已

又曰吳隱之母喪哀毀嘗臧菹以其味旨輟而棄之及為
廣州清操踰勵常食不過菜及乾魚而已帷帳器服皆付
外庫時人頗謂其矯然亦始終不易

宋書曰張敷父在吳興亡成服九十餘日始進水漿葬畢
不進鹽菜遂毀瘠成疾

又曰宗慤以軍功封洮陽侯先是鄉人庾業家豪富侈服
王食與賓客相對膳必方丈而為慤設粟飯菜菹謂客曰
宗上喜噉食車中慤致飽而退初無異辭至是為慤長史帶

梁郡慤待之甚厚不以昔事為嫌

又曰柳元景為三公時在朝勳貴多事產業唯元景獨無
所營南岸有數十畝菜得錢三萬還宅元景怒曰我立此
園菜以供家啖耳乃復賣以取錢奪百姓之利耶乃以錢
乞守園人

又曰王玄謨柳元景桓護之雖並北人而玄謨獨受老儉
之目允諸稱為四方書疏亦始之嘗為玄謨作四時詩曰
董茄供春膳粟漿克夏滄瓠醬調秋菜白醯解冬寒

又曰朱脩之姊在鄉里飢寒不立脩之貴為刺史未曾供
膳往姊為設菜羹餼飯以激之

齊書曰晉永嘉五年曲陽縣市黃慶宅左右有園東南廣

數丈每種菜輒鮮異雖加採拔更生夜恒有白光似懸絹
道士傳德古使人掘之三尺獲玉印文曰長承萬福

又曰宜都王鏗生三歲喪母及有識問母所在左右告以
早亡便思慕蔬食自悲不識母

又曰江泌性仁孝食菜不食心以其有生意唯食老葉而
已南

史隱逸傳曰沈道虔辟州府九十二命皆不就有竊園菜
者外還見之仍自逃隱待竊者去後乃出

梁書曰武帝大官常膳唯以菜蔬園案所陳不過三盞
又武帝詔曰今雖無復牲腥猶有為未盡可更詳定悉薦

時蔬左承司馬筠等參議少餅代大脯餘悉用蔬采帝從
之

之

三國典畧曰梁蕭棟字吉豫章安王權之子也侯景以法
駕迎棟時棟與其妃執鋤種菜忽然見逼駭愕久之

後魏書曰甄琛母曹氏有孝性夫氏去家路踰百里每得
魚肉菜菓珍羨口實者必令僮僕走奉其母乃後食焉

又曰高閭曾造胡叟短褐曳柴從田歸舍為閭設濁酒蔬
食皆手自辦案其館宇卑陋園疇福局而飯菜精潔醯醬

調美見其妻並年衰跛眇衣布穿弊閭見其貧約以衣
服直千餘疋贈之亦無辭媿

又曰盧義僖性清儉不營財利雖居顯位每至困乏麥飯
蔬食欣然甘之

為未及云形
本另提行

三國典略曰比齊王以鄴清風園賜穆提婆於是官無蔬菜賒買於人負錢三百萬其人訴焉斛律光曰比園賜提婆一家足不賜提婆百官足

又曰庠狄士文為具州刺史性清苦不受公料家無餘財其子嘗啖官厨餅士文枷之繫獄累日杖之一百步送還京僮肆無敢出門所買菜必出於境凡有出入皆封署其門親故絕迹慶吊不通

隋書曰姚察陳亡入隋詔受秘書丞別勅成梁陳二史又勅於華門長叅文帝以察自奉蔬非別曰召入內殿賜菓菜指謂朝臣曰朕聞姚察孝行當今無比我平陳只得此一人

唐書曰太宗回次易州界司馬陳元壽令百姓種蔬坵上而微火煦之欲其速生以擬供進太宗聞之責其諂媚詔免官

又曰太宗時律達獻佛土菜一莖五葉花赤中心正黃而藥子紫色泥婆羅猷波稜葉菜類紅藍實如疾藜火熟之能益食味又有酢菜狀似芹而味香渾提葱其狀猶葱而甘辛

又曰高宗時司農欲以冬藏餘菜賣之百姓以墨勅士僕射蘇良嗣良嗣判曰昔公儀相魯拔去園葵况臨御萬邦而販蔬鬻菜事遂不行

又曰王昇為刑部尚書性貪恡不常在公乃鬻公廨菜園

收其價錢以自潤甚為時論所醜

又曰中書園蔬曰給於衆官者主事白常袞減其數崔祐甫怒訶主事主事曰此相公之命祐甫大詬曰門下侍郎安得理中書之蔬叱左右踏主事而拽之自是與袞常不平

又曰貞元七年冬司農卿李模免官初司農當供三官冬菜二千車以度支給車直稍賤又阻雨菜敗模以度為度辭上責其不先聞故免之先是模奏司農菜不足請京兆府市之尹薛珏萬年令常彤乃禁人私賣上命奪珏俸一月彤俸三月

又曰貞元中奚陟為中書舍人以所得襍給均分省內官

又躬親庶務下至園蔬比日悉自點閱人以為難而涉處之無倦

莊子曰宣尼窮於陳蔡之間顏回釋菜

孔叅子曰蔬謂之菜

金樓子曰秦始皇聞鬼谷先生言因遣徐福入海求金菜

玉蔬

說苑曰楚文王伐鄭使王葦子王子靈其裙菜見老子人

戴舂乞焉不與搏而奪之王聞之令拘二子將然之大夫辭

曰取舂信有罪然人然之非其罪也君若何然之言卒丈

夫造軍而言曰鄧為無道故伐之今君公之子搏而奪吾

舂無道甚於鄧乎天命而君聞羣臣之曰討有罪而橫奪

非所以禁暴也侍力虐老非所以教幼也愛子棄法非所以保國也私二子滅三行非所以從政也丈人舍人矣謝又曰楚莊王賜虞丘子菜田三百號曰園老以孫叔敖為令尹

呂氏春秋曰菜之美者壽木之葉枯始之東木玄木之葉餘督之南有菜名嘉樹其葉碧

栢譚新論曰董仲舒專精於述古年至六十餘不窺園中菜論行亦云

山東六賢傳曰袁卞字叔隰厥慮人種菜一園左右竊取度溝瀆卞乃為之橋其敦義如此

漢武內傳曰西王母聞上仙藥之有碧狼菜

孝子傳曰比平陽公輦水作漿以給過者蒸補履襜不取其直天神化為書生問云何不種菜曰無菜種即與數升公種之化為白璧餘皆為錢公得以娶婦

廣州先賢傳曰丁密蒼梧人非家織布不衣非已種耕菜菓不食

杜蘭香別傳曰香降張碩賈瓦榼酒七椀多菜而無他味亦有世間常菓輒有三種色或舟或紫一物與海蛤相類并有非時菜碩云食之亦不甘然一食七八日不飢

荆楚歲時記曰正月七日為之人日採七種菜以為羹兩京記曰隋大業六年諸夷來朝請入市交易煬帝許之於是脩飭邸店皆使薨宇齊正卑高如一環貨克積人物

華盛競崇侈麗至賣菜者亦以龍鬚席籍之

魏王花木志曰吳郡邊海諸山悉生紫菜

崔豹古今注曰薤荆揚州人謂薤為戢

杜寶大業拾遺錄曰徐孝穎性仁孝嘗在園中晝卧見人

盜菜徐徐轉身向裡恐偷者見之敦行退讓皆此類也

漢張竦奏曰古叛逆之國潛其宮室以為汗池名曰凶墟

雖生菜蔬而民不食

非上四

詩曰四之曰其蚤獻羔祭非

又曰春薦韭韭曰豐本

爾雅曰霍山韭今山中多有孔菜皆如人家種

說文曰青韭葉韭菜一種又而生也象形在地上比也

通俗文曰韭根白莖

山海經曰遇春山生山韭丹重之山其草多韭

穀梁傳曰古者公田為井居竈蒞韭盡取焉

漢書曰龔遂為渤海太守民口種一畦韭

晉書曰石崇為客作苳粥嗟咄便辦每夕得韭蒔齋王

愷每以此事為恨乃密貨崇帳下問其所以答云豆至難

煮豫作熟有客來作白粥以投之目韭蒔齋是擣韭根襍

以麥苗耳

又曰温嶠城王敦先是童謠曰剪韭剪韭斷揚柳河東小

子令我與子以為賊如韭柳尋得復生也

晉書後畧曰成都王圍京邑城中無菜采陳韭芥以善菜
齊書曰周顒隱鍾山王儉謂曰卿在山中何所食荅曰赤
菜白鹽綠菘紫蓼又問何者最佳曰春初早韭秋暮晚菘
又曰庾杲之字景行為世祖征廬功曹清食貧唯韭蘆瀹
韭襍菜或戲之曰誰言庾即貧食鮭嘗有二十七種韭言
三九也

三國世界曰北齊太上後宮無限衣皆珠玉一女歲費万
金寒月盡食韭芽

莊子曰徐無鬼見武侯武侯曰先生居山食芋厭葱韭今
老病欲酒肉之味耶無鬼曰君為萬乘之主若國以義身
日君病矣勞吾乎

列子曰老韭為菟老榆為猿

魯連子曰市處者僕妾膾炙而食市饒也壅泉沃韭織履
之亡從兄弟室父往而不得粗糲焉韭愛其妾惡其室
父也此其饒羨之與不足也

說苑曰衛有一夫負缶入井灌韭終日一區鄧哲過教之
曰有機重後輕前命曰桔槔終日訖九百區丈夫曰有機
智必有机機心我非不知不欲為也

正論曰小民髮如韭剪復生頭如鷄割復鳴吏不必可畏
從來必可輕奈何欲望乎

漢武內傳西王母曰仙次藥有八阮赤韭

繆襲祭儀曰春祀和美美苴以韭

東觀漢記曰孔奮字君魚為姑臧長時天下亂河西獨安
前長居官數月輒致皆產奮在姑臧四歲財物不增唯老
母極膳妻子但食葱菜或嘲奮曰置脂膏中不能自潤

義熙起居注曰十年有司奏太常謝澹遣四人還家種葱
菜免官

晉書曰居洛陽城十里內有園菜欲以當課聽引其長流
灌紫葱

晉書曰石勒時石聰佛國澄戒勒曰今年葱中有虫害人
百姓無食葱俄而聰走

後秦書曰姚興種葱皆化為韭其後兵戈日盛
後周書曰宣帝大象年左衛園中葱亦作韭

梁書曰呂僧珍拜南兖州刺史從父兄子先以販葱為業
僧珍至乃棄業求州官僧珍曰吾荷國恩重無以報効汝
等自有常分豈可忘求叨越當速反葱肆耳

金樓子曰名山之生葱比薤者是古人種食石種也故
語曰寧得一把五茄不用金玉一車寧得一片地榆不用

明月寶珠五茄一名金鹽地榆一名王鼓惟此二物可羹
石又曰用紫芝奠石老美如脂食之可更調五味下橘皮

葱鼓
漢武內傳曰西王母曰仙上葉有立都綺葱

列仙傳曰阮公者鳴山上道上也衣裘髮覆耳長耳六七
寸口中無齒日行四百里於山上種葱薤百餘年人不知

也

春秋元命苞曰天門上有葱所種畦瓏悉成行人拔取者
悉絕若請神而求即不拔自出奇異辛香

繆龍祭儀曰秋祀和羹以葱

西河舊事曰葱嶺在燉煌西八千里其山高大故曰葱

嶺也河源潛發其嶺分為二水一水西經休循國國在葱

嶺也

郭儀恭廣志曰林循國居葱嶺其山多大葱

華陽國志曰曹公既與先主語失七會天震雷先主曰聖

人言迅雷風烈必變良有以也曹公亦悔失言使人覘之

見其拔葱公曰大耳公未覺也其夜先主急去

廣志曰有胡葱木葱

巴南山川記曰有石蒜石葱

續搜神記曰新野趙貞家園中種葱未經抽拔忽一日

盡縮入地後經歲餘貞之兄弟相次分散

楊雄蜀都賦曰萬條榮翠藻青黃若離錦布繡望之無

疆

潘岳閑居賦曰采則有葱韭蒜芋青荀此菜蔓莖菜芹上旨蓼蘇

芥芬 薤

爾雅曰勤山薤山多薤菜

又曰薤鴻薈也即薤菜

漢書曰龔遂為渤海太守令民一口種百本薤

後漢書曰龐參為南陽太守郡人任棠者有奇節隱居教授參到先候之棠不與言但以薤一本水一盃置戶屏置前抱孫兒伏戶下主簿白以為倨參思其微意良久曰棠是欲曉太守也水者欲吾清也拔大本薤欲吾擊強宗也抱兒當戶欲吾開門恤孤也於是歎息而還參在職果能抑強助弱以惠政待人

魏畧曰李孚字子憲為諸生常種薤欲以成計有求索不與一莖亦不自食時人謂之能行意

世說曰桓公座有參軍猗蒸薤不時解其食者又不助而猶終不放舉座皆笑

又曰蘇峻亂庾公南奔見陶侃雅相重及食庾敬薤因留

白陶問用此何為庾云故可種於是尤歎

列仙傳曰務光服蒲薤根

荊州晉傳曰筑陽縣有薤山山多野薤因以為名

古詞曰薤上朝露亦何稀

潘岳閑居賦曰白薤負霜

蒜
上音

爾雅曰薤山蒜山中多有此菜

說文曰蒜菜之莢者雲薤之葷菜

東觀漢記曰李恂為兖州刺史前刺史所種園小麥胡麻蒜悉付從事無所留

謝承後漢書曰江夏費遂字子奇為揚州刺史悉出前

事無所留

刺史所種小麥胡蒜付從事

又曰太原閔仲叔者代稱節士雖同黨之潔清自以弗及也同黨見其含菽飲水遺以生蒜受而不食

王隱晉書曰郗詵母病苦車及亡不欲車載乃卷鷄種蒜得馬八匹與棺至冢

齊書曰豫章王大曾賓僚張融食炙始畢人便去融欲求鹽蒜口終不言方握食指半日乃息

梁書曰郡陵王何賊煞何智通既擒賊智通子殺之割炙食之即載出新亭四面火炙之焦熟散車載錢設鹽蒜顧

百姓食之撤一鬻賞錢一千徒黨拜母肉遂盡
把朴子曰謂夏必長而蒜麥枯謂冬必凋而竹栢茂

正部曰張騫使還胡得大蒜貢帝

三輔決錄曰平陵范氏南陽舊語曰前遂大夫有范仲公

鹽鼓蒜顆共一角言其廉儉也

袁子正書曰袁子曰吾嘗與陳茅息於鄴東門之外見一

老父方坐而食其子授之蒜食必有餘欲棄則惜欲特

去則暑遂盡食於是火卒螫其腸胃兩目盡赤陳子笑之

吾謂子曰子之家中牛羊數千而不敢食天暑有喝死者

而後食之病子之軀亦猶是也

晉四王起事曰成都王穎秦惠帝還洛陽道中於客舍作

食宮人持斗餘粳米飯以供至尊大蒜鹽鼓到獲嘉市麗

米飯瓦甬盛之天子噉兩盂燥蒜數株鹽鼓而已

顏子家訓曰三輔决録云前隊大夫范仲公鹽鼓蒜顆共
角顆當音魏顆之顆北土通呼物一段為一顆蒜是俗間
常語耳故陳王雀鷄賦曰頭如蒜顆目似筆椒

崔豹古今注曰蒜亦抑蒜也俗語謂之小蒜胡國有蒜十子
共為一株二籜稟之名為胡蒜尤幸於小蒜俗人謂之大

蒜

冤報記曰梁廬陵王蕭績在荊州時常遣從事量括民田
南陽樂孟卿亦克一使公府舍人常破虜遣試勅失主本
意及孟卿以數誤得罪破虜惶懼不敢引憊但誰孟卿公
自為當為必雪無勞訴也數日之間遂斬於市孟卿號呼
無由自陳唯語人以紙筆隨歿死後少日破虜在槽上看

牛忽見孟卿挈頭而入持一椀蒜齋與之破虜驚呼奔走
不獲已而服之因爾病未幾乃卒

廣五行記曰唐咸亨四年洛州司戶唐望之冬集計至五
品進止未出間僧有來覓初不相識延之共坐少頃問曰
貧道出家人得飲食亦少以公名故聞相記能設一頓繪
否司戶欣然即處公置魚此僧云昔有蒜否司戶家人云
蒜盡僧云蒜盡去也遺得賣僧云蒜既盡不可更住苦留
不可司戶果無疾暴亡

延薦與李文德書曰五折張騫大死之蒜
潘尼鈞賦曰西戎之蒜南夷之薑

茄上字同

梁書曰蔡樽為吳興太守不飲郡井水齋前自種白苧紫茄以為嘗餌詔褒其清加信武將軍

杜寶大業拾遺錄曰四年改胡牀為交牀改胡瓜為白露黃瓜改茄子為崑崙紫瓜

嶺南異物志曰南土無霜雪生物不復凋枯種茄子十年不死攀綠橘之樹高至二丈

嶺表錄異曰南中草萊經冬不衰故蔬園之中栽種茄子宿根有二三年漸長枝幹乃為大樹每夏秋熟則梯樹摘

之三年後樹漸老子稀即伐去別栽嫩者

薑 上空四

春秋運斗樞曰旋星散為薑失德逆時即薑有翼辛而不

臭也

援神契曰薑禦溫菜也

禮記檀弓上曰喪有疾食肉飲酒必有草木之滋焉以為

薑桂之謂也

論語鄉黨曰不撤薑食撤去齊禁薑物薑辛而不美故不去也

韓詩外傳曰宋玉因其友見楚相楚相待之無以讓其友

其友曰夫薑桂因地而生不因地而卒女因媒而嫁不因

媒而親子之于玉朱也何怨于我也

史記曰禹家之城千畦薑與千戶候等

魏志曰倭國有薑不知其滋味

齊書曰孔珍之為臨川太守在任清約罷郡還獻乾薑二

斤武帝嫌其少知琇之乃歎息

梁書曰周拾占對辨捷嘗居直語及嗜好裴子野言從來

不嘗食薑拾應聲曰孔稱不撒裴乃不嘗一坐皆悅

呂氏春秋曰和之美者楊僕之薑招推之桂楊僕地名在蜀郡招推之

格隲越駱之箇

神仙傳曰吳孫權曰儺介象作變化種菜瓜百菓皆立生

可食先生論膾魚何者絕美象曰鱒魚為生先生論近

道魚耳北出海中安可得乎象曰可得耳乃令人於殿庭

中作方坑汲水滿之并釣象餌之垂綸於坑中不過頃得

鱒魚先主驚喜問象曰可食否象曰故為陛下取安敢取

不可食之物使厨下切之先主曰聞蜀薑作齋至佳此

問薑求不及也恨尔時無此薑尔象曰蜀薑豈不易得願

差以使行者并付以直家自書一符以青竹杖使行人閉

自騎杖杖止便買薑閉目此人承其言騎杖須臾止已到

成都不知是何處問人人言是蜀市乃買薑于時吳使張

溫見之於市問曰與帝買薑於是甚驚作書寄家此人買

薑畢捉書騎竹杖閉目復須臾已還到吾厨切膾亦適了

也

李先生傳曰郎仲喬鬻於羊渚遇神人意欲啖薑而市無

之神人以絹數疋并書一牒付信入市門南下任意所知

須臾得薑數斗還以問神人神人曰問李先生當知我

博物志曰伏波將軍唐蜀人煞薑法先洒掃別麓細為三

太平御覽 卷第九百七十七
輩盛着籠中作沸湯沒籠着湯中須臾取一片橫截斷視其否熱熟熱訖便使內着甕中細擣米末以覆上令薑不見訖以向湯令復沸便相掩消息令甕中當自沸沸便陰乾之

又曰姪娘者可啖生薑令兒盈指

嶺表錄異曰山薑花莖葉即姜也根不堪食而於葉間吐花穗如麥粒嫩紅色南人選未折開者以鹽淹藏入甜糟中終冬如琥珀香辛可重用為膾無加也又曰以鹽藏曝乾煎湯之極能治冷氣

蘇

爾雅曰蘇桂荏也蘇荏類哉 名桂荏

方言曰周鄭之間謂之公黃湘沅之間謂之菩湘沅在武陵

沙洲記曰乞佛虜不識五穀唯食蘇采

本草經曰芥菹一名水蘇吳氏曰假蘇一名菹 各蓋芥也

太平御覽卷第九百七十七 據照宋板舊抄本校計二頁

太平御覽卷第九百七十八

菜茹部三

瓜 上宜四

易史卦曰九五以杞包瓜瓜含章有隕自天杞木之柔者瓜之果大者
龍魚河圖曰瓜有兩鼻者煞人

詩曰文王之興本由太王也綿七瓜瓜民之初生自沮漆興也
興也綿綿瓜瓜之本實維先歲之者必必小狀似似帝帝故謂之曹
封於部其後公列失職遷於幽居沮漆之地亦世亦綿
總然至太王而得其民心而生王業故本周之興云手

沮漆也

大戴禮曰五月乃置乃瓜治瓜之辭也瓜也者始食瓜八月剥瓜畜瓜時也

禮曰為天子削瓜者副之巾以絺副削也既削巾祀之為

國君華之中以綌中製也為大夫果之果裸也動士動士

之中製橫斷庶人齧之不橫

又月令曰仲冬之月行秋令則天時雨汁瓜瓠不成補

雜

左傳曰齊侯使連稱管至父戌蔡丘瓜時而往日及瓜而

代替戊公問不至請代不許故謀作亂

春秋運斗樞曰遠雅頌着倡優則李生瓜

論語曰子路曰佛肸以中牟叛子之往也如之何子曰然

有是言不曰堅乎磨而不磷不曰白乎涅而不緇吾豈瓠

瓜也哉焉能繫而不食

爾雅曰瓠其紹步角切其紹郭璞注曰俗手瓠為

史記曰邵平者故秦東陵侯秦破為布衣貧種瓜長安城

東瓜美故世為東陵瓜

漢書地理志曰燉煌古瓜州地生美瓜

續漢書曰牽牛星荊州謂之河鼓主閨梁織女主瓜菓

又曰安帝元初三年有瓜異本共生一瓜蒂時以為瓜

者外焉離本而實女子外屬之象也是時閭皇后與外親

耿實共譖太子廢為濟陰王更外迎濟北狂犢立為太

子

袁山松後漢書曰建和二年河東瓜兩体共蒂

後漢書曰施建字君子沛縣人也家貧母老常鬻力供養

種瓜自給

應邵漢官儀曰太官丞宮別在外掌菓瓜菜茹

吳志曰步騭字子山臨淮淮陰人也避難江東單身窮困與廣陵衛旌同年相善俱以種瓜自給晝勤四体夜誦經傳會稽焦征羗郡之豪族客放縱騭與征求食其地懼為所侵乃共脩刺奉瓜也

吳錄曰姚翁仲嘗種瓜菜灌園以供衣食時人或餽一無所受

晉書曰咸寧二年嘉瓜同蒂生於成都

又曰皇甫謐二十不孝遊蕩無度或以為癡嘗得瓜菓輒進叔母任氏任氏曰孝經云三牲之養猶為不孝汝今年

餘二十目不存教心不入道無以急我

皇甫謐自叙同

又曰桑虞仁孝自天年十四喪父毀瘠過禮虞有園宅北

數里瓜菓初熟有人踰垣盜之虞以園援多棘刺盜偷見

人驚走而致傷損乃使奴為之開道及偷負瓜將出見道

通聞虞使除之乃送所盜瓜叩頭請罪歡然盡以瓜與

齊書曰建元初武帝即位郅撫為司徒左長史使先是武

帝與撫同從宋明帝射雉郊野渴倦撫得青瓜與上對剖

食之

又曰郭原平以種瓜為業大明七年大旱瓜瀆不復通舡

縣令劉僧秀愍其窮瀆下水與之原平日普天大旱百姓

俱困豈可減溉田之水以通運瓜之舡乃涉他道往錢塘

瓜不抄本空一格

貨賣

沈約齊記曰韓靈敏早喪父兄靈珍至孝母亡家貧無以

葬與靈珍種瓜靈敏朝採暮還復生未嘗減耗葬事由此事

梁書曰任昉卒武帝聞問方食西苑綠沉瓜投之於盤悲

不自勝因屈指曰昉少時常恐不滿五十今四十九可謂

知命

又曰郭祖深清儉常服故布衣素朴食不過一肉有姥

餉一青瓜但深報以匹帛有富人効之以貨鞭而狗象朝

野憚之

又曰鄭灼字茂昭勵志好學多苦心熱若瓜時輒偃卧以

瓜鎮心起便讀誦其篤志如此

北齊書曰蘭欽為廣州刺史

前刺史新渝侯

映之夢南安侯恬權

行州事冀得即真及聞欽至嶺厚貨厨人塗刀以毒削瓜

進之欽及愛妾俱死帝聞大怒檻車收恬削爵土

後魏書曰楊惜典選多以言負取人時謗詞云尚書典選

似貧人買瓜唯取大者

又曰郭祚以本官領太子少師祚着從世宗幸東宮肅宗

幼弱祚懷一黃瓠出奉肅宗時應詔左右趙挑弓深為世

宗所信祚私事之時人謗祚者号為挑弓僕射黃瓠少

師

後周書曰王羆性儉率嘗有客與羆食瓜客削瓜侵膚稍

厚羆意嫌之及瓜皮落地乃引手就地取而食之客甚有

愧色

又曰趙王招知隋文欲遷周鼎密欲圖之藏兵刃於帷席之間後院亦伏壯士文帝從者多在閣外唯楊弘元坐於戶側招以佩刀割瓜啗隋文未之疑元胃竟變扣刀而入迺以大觴親飲胃酒

北史曰宋瓊字普賢以孝稱母曾病季秋月思瓜瓊夢想見之求而遂獲時人異之

隋書曰文帝用法定制行署取一錢已上聞見不告言者坐至死自此四人共盜一榲桶三人同竊一瓜事發即時行決

又曰秦孝王俊奢侈過甚頗好於內妃崔氏性妬甚不平

之遂於瓜中進毒俊由是遇疾徵還京師上以其奢縱免官以王就弟

唐書曰杜如晦薨後太宗食瓜美愴然思之遂輟其半使置之於靈座

又曰高宗子八人武后所出者自為行弟長曰孝敬皇帝監國仁明為后所忌而鴆之次曰雍王賢為太子次曰中宗次曰睿宗及孝敬遇害諸弟嘗所不安晨夕懼懷雖父母之前無由敢言乃作黃臺瓜詞令樂人歌之欲微悟上意歌曰種瓜黃臺下瓜熟子離離一摘使瓜好再摘令瓜稀三摘尚由可四摘抱蔓歸然太子竟亦流竄黔州

又曰德宗建中初誤以高力士養女楊氏歸為沈太后是

太平御覽
時沈氏故老已尽無識太后者上密使中人就洛陽視高氏年狀頗同曩時太后嘗削瓜哺上刃傷左拇指高氏嘗剖瓜亦傷左拇指中人皆闕官女子且非審識太后見上仁孝有殊喜莫敢沮者高氏辭曰實 太后具陳族姓內外以自明

又曰真元四年夏右神策軍獻瑞瓜三蔓各爲一帶而生三瓜

莊子曰朽瓜化為魚物之變也

墨子曰今有人人場園取人瓜者得罰今之諸侯攻伐踰竊人瓜者數千萬而自曰義也

秦子曰食瓜者雖去蒂何以連其根

孫卿子曰臯陶之色如削瓜

抱朴子曰五原蔡誕入山而還欺家人云至崑崙山有玉瓜其形如世間瓜但爲光明洞徹而堅須以玉井水流之便軟而可食

又曰魯參鋤瓜三足烏集其冠孝故也

家語曰曾子芸瓜而誤斷其根曾皙怒以大杖擊其背曾子朴地有頃乃蘇孔子聞之告門弟子曰參來勿內也會子使人請孔子孔子曰舜之事瞽瞍小捶則受大捶則走參委身以待暴怒既身死陷父於不義不孝孰大焉

古文奇字曰秦改古文爲大篆及餘字周人多誹謗怨恨秦苦天下不從而諸生到者拜爲郎凡七百人密種瓜於

驪山磔穀中溫處瓜實成使上書曰瓜冬有實有詔曰博
士諸生說之人人各異說則皆使往覲之而為伏機諸生
賢儒皆致馬方相難不決因發機從上填之以土皆壓死
古文巢語曰初刑史子臣謂宋景公從今已往五月五日
臣死後五年五月丁巳五祀八月辛巳君薨刑臣將至死
日朝見景公夕死後吳亡景公惧思刑史子臣之言將至
死日乃逃於瓜圃遂死之求得已虫矣

賈誼新書曰昔梁大夫宋就為邊縣合與楚鄰界梁亭楚
亭皆種瓜梁亭劬而數灌其瓜美楚人窳而稀灌其瓜惡
楚令以梁瓜之美怒其瓜之惡因往夜竊搔梁瓜皆有焦
者矣梁亭覺請其尉欲執搔楚瓜宋就曰是構怨分禍之

道也令人竊為楚亭夜灌其瓜令勿知也楚亭旦而往瓜
則已灌瓜曰以美楚亭往而察之則梁亭之為也楚令人
悅因其聞楚王楚王聞之悅梁之陰讓也乃謝以重幣而

交於梁王新序

裴淵廣州記有瓜冬熟號為金叙味乃其美

廣志曰瓜之所出以遼東廬江燉煌之種為美有鳥瓜狸

頭瓜密角瓜女臂瓜龍蹄瓜羊体瓜又名魚瓜如大瓜如

斛出梁州陽城瓜有青登瓜大如三珠魁有桂枝瓜長二

尺餘蜀地温食瓜至冬熟有春日瓜細小小辨宜藏正月

種三月成有秋泉瓜秋種十月熟形如羊角色蒼黑

烈仙傳曰溪人者南郡編人居山間有仙人常止其家從

之買瓜教之練瓜與附子桂實服之一年能飛登山入水
往來海邊

又曰服閭者不知何許人常往來海邊諸祠中有三仙於
祠中賂傳瓜顧閭使擔黃瓜數十頭合瞑目乃上方丈

山

神仙傳曰葛公冬為客設生瓜

漢武內傳曰西王母為上元夫人曰後造朱炎山陵食靈
瓜其味甚好顧此未久已七千歲矣

又曰仙之上藥有空同靈瓜四劫一實突也

道奉傳曰褚雅字玄通人與其居常取水洒掃或夏月種
瓜恣來取

伏候古今注曰孝平帝元年武陵縣生瓜花如菘紫色實
如小麥墮地復生

郭子橫洞冥記曰有龍肝瓜長一尺花紅葉素生於水谷
所謂冰谷素葉之瓜

零陵仙賢傳曰李融字元者承陽人固姑侯相使其為政
得民心屢致祥瑞其瓜六子共莖爾書慰勞遷廣漢太守
南岳夫人內傳曰夫人姓魏名華存性樂神仙季冬之月
夜半清明有四貞人並可年二十餘天姿秀穎至靜室因
設酒肴陳紫椽降實靈瓜

太山黃庭內景經注曰大霍山下自洞臺司命君之府也
中有神靈瓜食之者至玄也

荆楚歲時記曰七月七日設瓜菓於庭中以乞巧有喜子
布網於瓜上得巧

劉向別錄曰尹都尉書有種瓜篇

鄭玄別傳曰民有獻嘉瓜者異本同實縣欲表府文辭鄙
畧君為改作又着頌一篇侯相高其才

吳越春秋曰吳夫差為越所敗遁而去得自生之瓜其實
已熟掇而食之問左右曰是乃冬有瓜近道而人不食何
也左右曰盛夏之時人食生瓜起居道傍瓜子復生故人惡
食

夏侯曾先會稽記曰曹娥父溺死娥見瓜浮其處即得父
屍

博物志曰人以冷水自漬至臑可頓啖數十枚瓜漬至腰
啖轉多至頸可啖百餘枝所漬水皆作瓜氣瓜味

搜神記曰吳時有徐光常術於市里從人乞瓜其主弗與
便從種便種之俄而瓜蔓延生花實乃取食之因賜觀者
及視所費皆亡耗矣

幽明錄曰安定人周敬種瓜時亢旱鬼為輦水洗瓜瓜大
滋繁問姓名不答還白父曰嘗有惠於人否父曰西郭樊
營先作郡吏償官數百斛米我時以百斛助之其人已死
又曰孫鍾富春人堅父也與母居孝篤信種瓜為業有
三少年容服妍麗請鍾乞瓜愛樂無已為設食出瓜禮敬
殷勤臨去曰我等司命感卿見接之厚送出門三人曰由

為下抄本
空格

中可作塚復言欲連世封侯為數世天子鍾曰數世天子言訖悉化成白鶴

列異傳曰遼東丁伯昭自說其有客字次節既死常為本家致奇異物試臆月中從紫瓜得美瓜數枚來在前不見形也

述異記曰豫章郡有盧松村羅根生於此村側黧荒種瓜又於立一神壇瓜始引蔓清晨行之忽見壇上有新板墨書曰此是神地所遊處不得停止種植可速去根主拜謝跪乳曰竊疑村人利此熟地生苗容或假託神旨見驅斥審是神教願更朱書賜報明早往看向板猶存悉以朱代墨

任昉述異記曰漢章帝元年上虞獻雙蒂瓜一尖五色

又曰吳桓王時稽會生五色瓜今吳有五色瓜歲克貢獻

五行記曰梁吏部尚書何敬容夏患瘡及寄在蔣山道士

館忽見一人玄衣大帽立在帳側自稱楊胡靈將瓜四枚

云與公少時言訖因不見後數月以罪免官

本草經云瓜一名土芝

吳氏本草曰瓜子一名瓣七月七日採可作面脂

劉禎瓜賦曰禎在曹植坐厨人進瓜禎為立成辭曰含金

精之流少冠種瓜以作珍設諸清流一浮一藏片以金刀

四剖三離承之雕盤慕以織絲甘伴蜜房冷甚冰圭

稽含瓜賦序曰世云三芝瓜處一馬謂之芝

張載瓜賦曰羊骸虎掌桂枝密甯玄表丹裏呈素合紅豐
敷外偉綠穰內醲

傅玄瓜賦曰白者如素黑者如黃踰金箱青伴含翠舊有

蜜甯及青括搜嘉味溢曰異類鮮儔一齋之傾至三搖頭

細肌密理多噉少辦豐旨絕異食之不銷音烏懸

陸機瓜賦曰夫其種族頭數則括搜定挑黃扁白搏金釵

蜜甯小青大班玄骨肱素腕狸首虎磻東陵出於秦谷桂髓

起於巫山

夏侯孝若賦曰入菜林造瓜田摘虎掌拾黃班落燕離毋

漬於寒泉

左思蜀都賦曰其圃有瓜疇芋區

王廙洛都賦曰瓜則桂枝括搜綠穰青肌消暑蕩解渴瘵

飢

樂府歌詩曰君子防未然不處嫌疑問瓜田不納履李下

不整冠

古詩曰耳瓜抱苦蒂美草生荆棘愛利防有刀貪人自還

賊

阮籍詩曰昔聞東陵瓜近在青門外連畛短阡陌毋子相拘

帶

張華真人篇曰朱李生東苑并瓜出西郊

曹植求祭先王表曰乞請水瓜伍枚

太平御覽 卷九百七十八 瓜

太平御覽卷第九百七十八

據照宋板舊抄本校計九頁

太平御覽卷第九百七十九

菜茹部四

瓠

壹蘆

蓼

葵

蕪菁

瓠

詩碩人曰齒如瓠犀

犀解也

又曰八月斷壹瓠

又曰瓠有苦葉濟有深涉

瓠謂之瓠也

陸機毛詩疏義曰瓠有苦葉瓠瓠也葉小可為美楊州人食至八月葉即苦故曰苦葉

論語曰吾豈瓠瓜也哉焉能繫而不食

爾雅曰瓠犀辨曰瓠中辨也詩

魏畧曰高辛氏有馬婦人居王宮得奇疾醫為挑之得物

大如瓠盛以瓠覆以盤化為大五色因名盤瓠

晉書曰杜預病嬰智計以瓠繫狗之頸每大樹瘦則斬使

白乃題曰杜預頸乎盡捕殺之

又曰祖逖在河南百姓感悅嘗置酒大會耆老坐中流涕

曰吾等老矣更得父母死將何恨乃歌曰幸哉遺黎免俘

虜三展旣明遇慈父母酒忘勞并瓠脯何以永思歌且舞

其得人心如此

宋書曰徐文伯會祖熙好黃老隱於秦望山有過客來飲

晉一瓠瓢與之曰君子孫宜以遜術救世當得二千石

開之乃扁鵲醫經一卷

齊書曰夏彬性好飲酒瓠壺瓢勺坑皮為肴着皂巾十二年

不改易以大瓠為籠什物乃諸詭異自居下田居

後周書曰強練師不知何許人所至之處人皆敬而信之

晉公護未誅之前曾手持一大瓢到護第門外抵而破之

乃大言曰瓠破子苦未幾而護誅諸子並伏法

管子曰一年之計莫在樹穀十年之計莫在樹木終身之

計莫在樹人瓜瓠葷菜不備國之貧也

莊子曰惠子曰魏王貽我大瓠之種我樹之而成實實五石

以盛水漿其堅不能自舉剖之以為則郭洛無所容非不

大也吾為其無用剖之莊子曰夫子固拙於用大也

國語曰諸侯伐秦莫濟叔向見叔孫穆子曰豹之業
書乃瓠有苦瓠矣不知其他叔向退召丹虞與司馬曰夫
苦瓠不材於人共濟而已是行魯人與言人先濟

新序曰魏文侯見箕李牆壞不治問其故曰不時也又進
瓠羨

文侯曰牆壞不築教我無奪民農功貽我瓠羨教我無多
百姓

王充論衡曰于將之乃未磨爪瓠不能傷

又曰婦人踈孕者子活乳數者子死譬苦瓠華多實少
也

風俗通曰燒穰殺俗說家人燒黍穰則使田中瓠枯死

也

水經曰今豫州汝南郡城西北汝水左右出西北流又屈
而東轉又西南會汝州若垂瓠者老云城取名焉

太康地志曰朱崖儋耳無水唯種大瓠藤斷其汁用之亦
足

嶺南異物志曰儋崖種瓠成實卒皆百餘

胡蘆

蜀志曰張裔字君嗣如瓠壺外澤而麤

三國典略曰齊武成帝皇后胡氏安定人魏守書令兗州
刺史延之女也女盧氏懷孕延之初有胡僧來詣門曰此

宅瓠蘆中有月

崔豹古今注曰瓠壺蘆也壺瓠之無柄者瓠有柄者懸瓠
可作笙曲沃者尤善秋乃可用則漆其衰

又曰瓢瓠也其摠曰匏瓠則別名

世說曰陸士衡初入洛諮張公所宜曰請劉道貞是其一

既往劉尚哀制中性嗜酒禮畢初無他言惟問東吳有長

柄壺蘆鄉得種來否陸兄弟殊失望乃云悔去

廣五行記曰西城夷國有石駱駝腹下出水以金鐵器取

便漏下唯匏蘆盛之則不漏飲之合人体滑香淨其國神

秘不可數遇

嶺南異錄曰葫蘆笙交趾人多取無柄者瓠割而為笙上

安十三簧吹之音韻清響雅合律呂

蓼

爾雅曰薺虞蓼

虞蓼洋蓼也 薺音即

詩曰閔子小子不堪家多難予文集于蓼

禮曰膾秋用蓼鶉羹鴉羹駕醴之蓼

雜之也

吳越春秋曰越王欲復怨非一旦也苦思勤心夜以接日

卧則以蓼

劉向別傳曰尹都尉書有種蓼篇

魏子曰君以臣為本以民為根猶室與杜梁相持也梁不

強則上下俱亡故蓼虫在蓼則生在芥則死非蓼仁而芥

賊也本不可失也

任昉述異記曰長沙定王故宮有蓼園云定王故園也菜

之辛者謂之蓼

吳氏本草曰蓼實一名野蓼一名澤蓼

蒸

廣雅曰藟菜也

詩曰七月烹葵及菽

爾雅曰菽菟葵藟我菽菽虺乃謂如薦音戎葵今蜀葵也

韓詩外傳曰魯監門女從績中夜而泣其偶問其故曰宋

司馬得罪於宋食吾園葵是歲吾園世葵越攻且諸侯畏

其威魯往獻女吾姊預焉兄往視之道畏而死由此觀之

禍福相及也

陸機毛詩曰菽一名比二不名楚葵似蕪菁莢華紫綠色

可食微苦也

左傳曰齊慶克通于孟孟于鮑牽見之告國武子武子召

慶克謂之夫人訴之乃則鮑牽仲尼曰鮑莊子之智不如

葵犹能衛其足葵葉葉向日

史記曰公儀休為魯相食茹而美之拔去園葵也

晉書曰江統上太子書曰今西園賣葵菜藍子雞麩之屬

虧敗國體貶損政令

北齊書曰王攸字子深少孤獨種葵三畝數被人盜之王

攸密令人書葵葉下明旦市看之遂得偷者

管子曰桓公伐代山戎出冬葵布之天下桓公憂北郭民

貧管子請禁去市三百步者不得樹葵菜此則空有以相

淮南子曰聖人之於道執葵之弁日雖不能弁終始其鄉之誠也御誠

繆襲祭儀曰夏祀和羹莊以葵

列仙傳曰丁次都不知何許人也為遼東丁氏作人丁氏

嘗使買葵冬得生葵問父何得有葵云從日南買來

列女傳曰魯漆室有女過時未適人倚柱而歎鄰婦謂曰

何悲也欲嫁乎女曰吾憂魯君老而太子少也婦曰此魯

夫人憂焉女曰昔有晉客舍吾家繫馬於園馬佚踐吾園

葵使吾終歲不厭葵味鄰女奔亡借吾兄追霧出以求弱

流而死使吾身死吾兄吾聞河潤九里漸洳三百步今魯國微

吾下抄本

溺乱將及人三年魯果乱

師曠占曰黃帝問師曠曰欲知牛馬貴賤秋葵下小葵生

牛馬貴小葵不生賤由牛馬

博物志曰陳葵子微火炒令爆乾散著熟地中遍踏朝種

暮生遠不過宿陳葵子秋種履蓋令經冬不死至春有子

是也

潘岳閑居賦曰綠因含露白薤負霜

鮑明遠葵賦曰別有鴨脚盹耳言葵似之

古歌辭曰採葵莫傷根傷根葵不生結交莫羞貧羞貧交

不成

蕪菁上卷四

葵下抄本

爾雅曰瀕葑菹也瀕音相近故也瀕即蕪菁也

尚書曰荊州厥貢苞匭菁茅菁似為

詩曰採葑採非無以下葑瀆也赤苳也下体根莖也

又曰爰采葑矣洙之東矣蔓菁也

又曰採苓好聽讒也采葑采首陽之東人之為言苟亦無

從葑菜也

陸機毛詩疏義曰菜葑蕪菁也郭云今菘菜也可食少

味

東觀漢記曰桓帝永興二年詔司隸蝗水為災五穀不登

令所傷郡國皆種蕪菁以助民食

吳曆曰劉備歸曹公曹公使親近規請將有賓客酒食者

輒因事害之備時閉門將人種蕪菁公使人窺門即去備

謂張飛曰吾豈種菜者乎曹公必有疑意不可後留其夜

輕馬而去

吳錄曰陸遜諸葛瑾攻襄陽遜遣親人韓扁抄掠瑾聞之

欲急去遜方催人種葑菘與諸將圍碁以示閒暇

齊書曰武陵王曄性清簡尚書令王儉詣曄留儉設食盤

中菘菜鮑而已儉重其真率為飽食盡歡而去

又曰周顒清貧寡欲終日蔬食雖有妻子獨處山舍甚機

辨文惠太子問顒菜食何味取勝顒曰初春早韭秋末晚

菘

梁書曰范元琰家貧唯以園蔬為業嘗出行見人盜其菘

元琰遽退走毋問其故乃以實荅問盜者為誰荅曰向所以退畏其愧耻今啓其名願不泄也於是毋子秘之或有涉溝盜其苟者元琰因伐木為橋以度之自是盜天慙之鄉皆不復草竊

北史曰孟信為趙郡太守政尚寬和權毫無犯山中老人魯以狔酒饋之信和顏接引殷勤勞問乃自出酒以饋錙温之素木盤盛蕪菁而已

呂氏春秋曰菜之美者具區之菁浸淵之草名曰土英荆楚歲時記曰仲冬是月也菜結霜蕪菁葵等雜菜乾之並為醎菹有得其和者並作金釵色今南人作醎菹以糯米熬搗為末拜研胡麻汁和釀之石簪令熟菹既甜汁

脆亦酸美乎其莖為金釵服醒酒所宜也

急就篇曰老菁寒荷冬曰藏並藏蓄之以禦冬也

太平御覽卷第九百七十九

據照宋板舊抄本校 計六頁

前後不空行

脆下抄本空一格

脆下抄本空一格

太平御覽卷第九百八十八

菜茹部五

蘆服

芥

蓴

蕺荷

紫菜

苦買

芹

薺

蕨

莢

苳

邪蒿

芸臺

蕪柔

鹿角

胡妥

優殿

雍菜

冬風

絡葵

焯

岑

波稜

蘆服

爾雅曰葵蘆服

大宛宜為服蘆服字或作藟

方言曰蕪菁紫者謂之蘆服

廣志曰蘆服別名霄葵

後漢書曰劉盆子在長安時披庭中宮女猶有數百千人

自更始敗後幽閉殿內拔庭中蘆服根蒲池魚而食之東漢記

北史曰張威隋文受禪遷青州刺史在州頗事產業遣家奴數人間鬻服根其奴緣此侵擾百姓上深加責坐廢於家

正論曰理世不得真賢猶治病無真藥當用人參及得蘿菴根

唐新語曰開元中中書令蕭嵩以文選是先代舊業欲注釋之奏請左補闕王智明金吾衛佐李文成進士陳君等注文選先是東宮衛佐馮光進入院校文選兼復注釋解鴟蹲云今之芋子即是著毛蘿菴院中李士向外說之蕭

蒿聞之附掌大笑

雲南記曰嵩州界綠山野間有菜大葉而麤莖其根若大蘿菴土人蒸食其葉根而食之可以療飢名之為諸侯菜云武侯南征用此菜子時於山中以濟軍食亦猶廣都縣山櫪林謂之諸葛木也

芥

魏子曰蓼虫在蓼則死生在芥則死非蓼仁芥賊木不可失也劉向別錄曰尹都尉書有種芥葵蓼薤菘諸篇

嶺南異物志曰唐孟瑄嘗於嶺表買芥菜首壁下忘食數日皆生四足有首尾能行走大如螳螂但腰身細長又曰南土芥高者五六尺子如鷄卵廣州人以巨芥為醢

菹埋地中有三十年者貴尚親賓以相餉遺

嶺表錄異曰廣州地熱種麥則苗而不實北人將蔓菁子就彼種者出土即變為芥

吳氏本草曰芥菹一名水蘇一名勞祖

蓴

南越志曰石蓴似紫菜白色青

集異記曰丹陽張承先家有鬼長為取他物會有客酒蓴

二斗鱧魚二十頭鬼將一小兒置驃騎令小兒睡眼奄看

籃中已有魚鱧

幽明錄曰阿東常醜奴泛湖邊拔蒲暮宿空舍時日暮見

一女姿容極美乘舡載蓴至舍寄住變而為獺

蕒荷

說文曰蕒蕒荷也一名荷苴廣雅同

崔豹古今注曰蕒荷似菡苴而白菡苴色紫花生根中花

未敗時可食久置則削爛不為實矣葉似蕒宜陰翳地常

依蔭而生也

搜神記曰余外婦姊夫蔣士有傭客得疾下血醫以中蠱

乃密以蕒荷根布席下不使知乃狂言曰食我蠱者乃張

小人也乃呼小小亡云今世攻蠱多用蕒荷根往往驗蕒

荷成謂嘉草

葛洪方曰人得蠱取蕒荷葉着卧席下不使知立呼蠱姓

名

潘岳閑居賦曰蕤荷時藿向陽

紫菜

集異記曰會稽照誕入海採紫菜於山上曝之夜忽見群鬼張目切齒欲來繫誕誕奮刀砍之見鬼悉披麻歷乃就誕乞少紫菜誕不為與

吳郡緣海記曰郡海邊諸山悉生紫菜吳賦云綸組紫絳者也

苦買

晉書安帝記曰義熙二年有苦買菜生楊州營堊高四尺六寸廣二尺二寸是後歲多征伐人民積苦故苦買者買苦也

芹

爾雅曰芹楚葵

今水中芹也

詩曰感涕濫泉言采其芹

芹菜也

又曰思樂泮水薄采其芹

芹菜也

列子曰宋國有人其妻告之曰昔有人其菽菽與芹子卿

豪嘗之蜚於其口慘於其腸衆哂之

呂氏春秋伊尹說曰菜之美者雲夢之芹也

范汪桐制曰孟秋祭有芹菹

宋林曰豐羨菜生雲夢

薺

爾雅曰薺思歷大薺似薺細葉

又曰蕘林何蕘實

廣雅曰蕘蕘馬辛也

說文曰蕘草可食詩曰誰謂荼苦其甘如蕘蕘苦菜也而君子於已也

苦又其於茶此方之茶則如日蕘

禮曰孟夏之月靡草死蕘亭虛之屬

春秋繁露曰蕘以美冬水氣也蕘甘味也乘於水氣故美

者甘勝寒也蕘之言濟所以濟大水也

淮南子曰蕘麥冬生而夏死

抱朴子曰蕘麥大蒜仲夏而枯

物理論曰夫解小而引大了淺而伸深猶以牛刀割鷄長

父劉蕘

吳氏本草曰蕘蕘一名折日一名榮冥一名馬駒

雷公神農扁鵲辛李氏小温四月採乾二十日生道傍細

辛乾薑苦參蕘實神農日毒生野田五月五日採陰乾治

腹脹

蕘 上四

詩曰陟彼南山言採其蕘蕘蕘也

又曰山有蕘薇陽有杞櫟

晉書曰齊王秉權張翰謂邵人顧榮曰天下紛紛未已吾

本山林間人無望於時去矣采南山蕘飲三江水也

爾雅曰蕘蕘初生無葉可食江西謂之蕘

古詩曰山桃發紅萼野蕘漸紫苞

詩曰周原膺肥董菜如飴董菜也菜若也菜周之原地也

也飴也禮曰董盥粉榆免蕞濟髓以滑之謂用調和飲食以蕞董也類冬用薑夏用蕞

爾雅曰齧苦董今董蕞池食之骨

三十國春秋曰劉殷字長盛七歲喪其父哀毀踰禮曾祖

毋王氏盛冬思董殷入澤中慟哭有雁生焉得解餘

廣語曰夏蕞秋雁滑如粉

後漢書曰崔和為平昌太守性鄙恠埋錢百斛其母李春

思董借錢不買

吳人本行

爾雅曰杏接余其葉符水深淺江東人食之音杏也

詩曰參差荇菜左右流之窈窕淑女寤寐求之行接

邪蒿

此齊書曰邢侍字士俊以經授皇太子厨宰進太子食有

菜曰邪蒿令去之曰此菜有不正之名非殿下所宜食

顯宗聞而嘉之

芸臺

通俗文曰芸臺謂之胡菜

韻集曰芸臺胡菜

薑菜

方言曰薑之小者謂之穰菜薑菜也

鹿角 上卷四

南越志曰猴蔡色赤生石上南越謂之鹿角

胡葵 上卷四

石崇奴葵曰奴常種葵服胡葵不親下踈

優殿 上卷四

南方草物狀曰合浦有菜名優殿以豆醬汁茹食芳好可食胡葵

雍菜 上卷四

廣州記曰雍菜生水以為菹

冬風 上卷四

南州記曰冬風菜陸生宜肥肉作羹一者微味人甚重之

絡葵 上卷四

博物志曰人食絡葵為狗齒則瘡不或致死

焯 上卷四

字林曰焯辛菜也

吟 上卷四

字林曰荈菜似蒜生水中

波稜 上卷四

唐書曰太宗時尼婆羅獻波稜菜葉類紅藍實如菘藜大熟之能益食味

